

1
TRES REGIS
NAVARRAEI DECLARA-
TIONES, QVAS PAVLO
ANTE OBITVM REGIS AD TRES
Gallici regni ordines habuerat, super
iis quæ à vicesimo tertio Decemb.
anni 1588. in Gallia con-

Juri tingerant. *Scherma*

*Quibus adduntur mutuum Regis, & Prin-
cipum, ac nobilium, de regno, & Religio-
ne conseruanda iusiurandum,*

TVM LITERAE AB VTROQUE RE-
ge ad Montis Belligardi Comitem missæ. Adhæc
literæ Ducis Lotharingi ad Lingonenses, & ho-
rum ad eas responsum, & declaratio, eorundem
de sua in Regem fide.

OMNIA LATINE PER
Tuffanum Berchetum Lingonensem
reddita: qui & statim initio de perfida
& scelerata Regis cæde paucis agit, &
vrbes Gallicas ad fidem Regi suo
seruandam Lingonensium
exemplo adhortatur.

SEDANI.

M. D. LXXXIX.



1837

1837

1837

1837

1837

1837

1837

1837

1837

1837

1837

1837

1837

1837

1837

1837

1837

1837

1837

1837

1837


1837

1837

T V S S A N V S B E R -
chetus Lingonensis, candido
pioq^{ue} Lectori. S.



V M hæ tres priores, & con-
tinua hîc serie contexte de-
clarationes, à bonis omni-
bus summa voluptate lecte
tantum, dignissimæ que iudicatæ, quæ
ab exteris, religionis maximè, & fœde-
ris vinculo nobiscum sociatis natio-
nibus legerentur, vt perspectum illis
etiam foret, quibus maximè causis ad-
ducti factiosi & perduelles nostri, bel-
la hæc tam funesta susceperint: Cōtrà,
quàm grauib^{us}, iustisq^{ue} rationibus
perpulsus Rex ille pius sceleratam il-
lorum, & exitiosam coniurationem
restringere sit antea conatus, atque
etiamnum conetur: Ego grauissimor-
um aliquot virorum cohortatione
persuasus, si non operæ aliquod pre-
tium, at certè officium meum factu-
rum me putavi, si eas lectu non minus
necessarias, quàm iucundas declara-
tiones, è Gallico sermone in Latinum
conuerterem: Alioqui arrogantix cri-
men aut inertie subiturus, si tantorum



virorum auctoritatem aspernaret, & tantillum laborem multorum votis, & ipsi quoque Reip. denegarem: cuius & hoc aliquatenus interesse videtur, tantam coniuratorum istorum perfidiam, & impietatem exploratissimam omnibus esse, ut ne quis posthac in illorum se laqueos imprudens induat, aut si blanda quadam Religionis, utilitatisve specie allectus, ijs iam fortè inretitus tenetur, illinc se quamprimum expediat, ad meliorem mentem voluntatemque se conferat, & ad eorum qui vera sentiunt, & recta sequuntur sententiam causamque adiungat, privatae, & publicae saluti, ac dignitati quoad poterit, consulturus. Atque hæc potissima, vel potius unica huius versionis, & editionis ratio primum fuit. Sed, malum! priusquam typis hæc mandarentur, ecce ex vulnere, impie & perfidiosè Regi inflicto, morteque inde consequuta, & luctuosa, & verè miserabili, noua alia longè magis tragica, & prodigiosa scribendi, edendi que occasio & materia data fuit. Cum enim acerbissimus omnibus fidelibus quidam subditis, & tristissimus ille Regis sui casus, eiusdemque ad Montis Belli-

gardi

gardi Comitem literæ, ea quæ pius ille
Rex Nauarræus tribus hisce declaratio-
nibus docuit, atq; adeò vaticinatus est,
nimium vera esse confirmet; Illud e-
nim uerò tam horribile, indignumq;
parricidium finitimis populis nō tan-
tum modò declarandum, sed illius et-
iam causa, modus, & ipse minister pa-
tefaciendus fuit, (Nam authorem ne-
mo non videt, nisi admodū est excors,
atq; adeò truncus & stipes.) A quo au-
tem veriùs hæc omnia cognosci pos-
sunt, quàm ab eo qui coniuratorum
factiones, & consilia, quæ iam dudum
fuerat odorat⁹, ac perscrutatus, à quar-
to abhinc anno, & eo ampliùs multis
querelis, & edictis, est testificatus? qui
famosis libellis omni turpitudinis, &
contumeliæ genere, impudentissimè
refertis, est laceratus? qui sua illa Basili-
ca, vrbium Gallicarum principe, era-
rio, solio, sceptro, rerum administra-
tione, omni ornamēto, & vita tandem
ipsa indignissimè, & crudelissimè est
primatus? Hæres verò adhuc, ô lector,
quænam fuerit, tot, tantorumque fla-
gitiorum causa? Aurī sacra fames, re-
gnique nefanda cupido. Inexplebilis,
inquam, illa habendi cupiditas, & ea

quam tamdiu inhiant, ac in quam toto
to animo & studio, totis etiam, tùm
suis, tùm alienis viribus, & opibus in-
cumbunt, dominationis libido, tot
nobis tamq; exitialia bella excitarūt:
Tot etiam raptus, cēdes, latrocinia, in-
cendia, regni antea florentissimi &
potentissimi vexationem, direptionē,
& exitiū, legū, iustitiæ, pietatis, li-
terarum, bonorum virorum à pietate,
bonorum ciuium à Regis obseruantia
defectionem, omnium bonarum re-
rum interitum, denique Henrici Ter-
tij Gallorum Regis immaniſſimam et
iniquiſſimam cædem attulerunt. At
Religio Catholica, Ecclesię dignitas,
animarum salus, Papæ authoritas a-
guntur, nisi hæreticorum conatibus
maturè obsistatur, Bellum sanè, & spe-
ciosum admodum cōmentum. Quasi
verò aut hæresis tollatur, aut hæretici
de sua sententia dimoueantur, armorū,
ac non librorum potius sacrorū
tractationē. Quasi illæ diuini & huma-
ni iuris, omnisque Religionis pestes,
Religionem vllam, aut norint aut cu-
rent, quasi etiam vel Papam, vel Ec-
clesiam veré agnoscant, aut colant,
nisi quatenus aliquid inde commodi
aut

aut honoris consequi sperant. Excipio
semper rerum ferè omnium imperi-
um vulgus, cui ut superstitiosulo ni-
hil facilius est, quàm imponi, in Reli-
gione præsertim, & ab iis, quibus ob
pietatis & doctrinæ opinionem, seq;
suaque omnia credit. Excipio & ple-
rosque alios cuiuscunque ordinis ho-
mines, qui in aliis rebus satis perspicu-
ces, ingeniosi & eruditi, in hac tamen
aut planè cæcutiunt, aut non valdè sa-
piunt, aut sibi suisque rebus metuunt,
aut potentiorum virorum quibus ad-
dicti sunt, & à quibus omnino pen-
dent, autoritate permoti, in quam-
cumque illi volunt sententiam ac viã
rapiuntur. At huius coniurationis,
Principes, Regiæ exauthorationis &
occisionis duces, vnam vindictam
& crudelitatem ex infimo pectore an-
helant, dominationem solam expe-
ctant, rerum potiri volunt. Alio-
qui Regis, qui fuit omnium penè Ca-
tholicorum Coryphæus & ante-
signanus, caput petendum minimè
fuit.

Fuerit tamè aut Hæreticus, aut Hæ-
reticorum amicus & popularis. Ideo-

ne à regni gubernaculis tam indignè
deici, & quod grauius, atq; indignius
est, vita etiam ipsa priuari tam perfidè
crudeliterque debuit? Ergo egregij isti
Catholici, & Catholicæ scilicet Rēli-
gionis patroni, custodes & defensores,
vnum tantum ærarium, vnum sce-
ptum, vnum diadema venantur & ca-
ptant. Quod quidem, si tu, lector, ve-
rum esse, vt est certe verissimum, cre-
dis, nā miraberis nostrorum hominū
aut cæcitatem, aut stuporem, aut con-
tumaciam, qui neque hæc videant ne-
que his moueantur, neq; ad sanā men-
tem se conuertant. Verū multò ma-
gis miraberis istius cædis factę modum
& ministrum. Dominicanus enim qui-
dam, non Domini quidem nostri, sed
sui illius Dominici, & Sathanæ admi-
nister, obseruantię, officiij ac fidei, quā
oratione, gestuque & habitu simula-
bat, specie, teterrimū hoc facinus an-
tea meditatum, gladio, in inum Regis
nihil tale aut cogitantis, aut à tam reli-
gioso viro sibi metuentis, ventrē ad
actō, patrauit. Sed quid dixi, miraberis!
Imò verò nihil est, quòd hīc mireris,
cū eiusmodi virorum oratio, doctrina
gestus, habitus, vultus, professio, vita,
deni-

denique tota nihil aliud sit, quàm vana, quædam species, fucus, color, præstigiæ, fraus, & mera simulatio. Annon, pie lector, huiusce facinoris atrocitatem, parricidæ istius proditorem, & nefariam quorundam perfidiam, ac perduellionem exhorrescis? Regis verò nostri post tot acerbitates & indignitates, vicem tam luctuosam, casum tam iniquum, mortem tam immanem nonne miseraris? Quod si nihil aliud potes, votis certè & precibus vnà cum bonis omnibus à Deo efflagita, vt tam atrox, tam perfidum, & crudele facinus grauissimis, & tanto sceleri debitis pœnis vlciscatur. Equidem, quod ad me attinet, breui spero fore, neq; id solum, sed etiam (dicam aperte) exopto, vt Deus ille noster iustus, & scelerum & sceleratorum vindex nefarios istos Catilinas tot bellorum, tantarumque calamitatum autores, itemq; reliquos ipsorum audaciæ satellites, & administratos, incendiarios, perduelles infestissimos, carnifices bonorum, Dei gloriæ hostes, tranquillitatis publicæ inimicos, latrones Galliæ, euerfores pietatis, iustitiæ profligatores, scelerum fœdere inter se ac impia societate

coniunctos (nisi iamiam resipiscant,
& à suo, tam impio funestoq; incæpto
desistât) æternis supplicijs, viuos, mor-
tuosq; mactare velit. Hanc mihi præ-
terea spem inijciunt pietas & iustitia,
quæ stant à nostris partibus, & quibus
præcipue nitimur: tum pietatis ac iu-
stitia amantes ac propugnatores acer-
rimi fidelissimique, pia illa heroïna &
Angliæ Regina Elizabetha: Germa-
ni Principes huiusce Regni amantiissi-
mi, nobiles item, & fortissimi equites:
tum Heluetij fide, & fortitudine exi-
mij: Adhæc Galliæ præsidium & de-
cus, secundum Deum Borbonij Prin-
cipes: atq; non pauci singularis fidei,
& virtutis, Gallici duces, Comites, Vi-
cecomites, Barones, Trib. mil. Patri-
cij, Nobiles, Equites, veterani milites,
pubes Gallica, Aquitaniæ, & Occita-
niæ robur, &, qui vnus instar horum
omnium est, aut certè, qui heroïcis &
Imperatorijs, summo, Augustoq; Mo-
narcha dignissimis artibus, ac virtuti-
bus, cæteris omnibus præluceat, & citra
controuersiam inuidiamque præstat,
Galliæ & Nauarræ (perduellibus, li-
cet inuitis, & pro virili reluctanti-
bus, singulari tamen Dei prouidentia)

Rex

Rex Henricus. Quidquæris? Deus ipse Opt. Max. qui & hanc illi celsissimam dignitatis, atq; amplitudinis sedem dedit; & nobis hæc otia fecit. Et ille quidem Rex noster præterquam quòd egregijs suis virtutibus & tota anteaçta vita, summa de se omnia sperare iubet, id ipsum etiam suis ad Montis Belligardi Comitem literis, atque grauiissimo illo iureiurando apud Gallia Principes, Procere, mil. Trib. & nobilissimos aliquot viros habito, id ipsum apertè confirmat: quo nimirum omnia veri Principis, & optimi Regis munia se præstaturum, & eos, qui se nefario defuncti Regis parricidio impiè obstrinxerunt, grauiissimè vlturum pollicetur. Illi verò nostri Principes, Optimates: clarissimi viri, Duces & reliqui omnes Henricum illum quartum, legitimum suum Regem vno animo atque vna voce agnoscunt, faustis acclamationibus eum salutant, complectuntur, comprobant: illi bene ominantur, læta & prospera omnia precantur, & optant, Regni gubernacula tradunt: qui etiam illi pia conspiratione summoque consensu assentiuntur ac spondent, præter cultum & obseruan-

tiam

tiam ipsi debitam, se ad Regiæ cædis vltionem, atque eorum omnium, qui de regno occupando, & bonorum omnium exitio cogitant, atq; ad id iniquissimis, & sceleratissimis artibus grassatur, perniciem, omnes suas facultates, vitamq; adeò ipsam profusuros. Quod quidem Generosum, & verè Francicum Consilium, quia visum etiam est dignum, quod Principibus populisque externis aperiretur, Latine quoque vnà cum Henrici tertij, & quartij ad Mōtis Belligardi Comitem literis, conuerti. Et quoniam hanc Regis nostri, Principum, Procerum, Nobilium, Regijque exercitus conspirationem, non pauca cis Ligerim vrbes imitatae sunt: sed præcipuè clarissima Lingonarum nostrarum ciuitas, cùm ab huius postremi belli initio, tum ab Henrici tertij obitu maximè, quanquam à principibus summisq; viris ad defectionem, & ad istam coniurationis societatem sollicitata, in officio cōstantissimè permansit, huius Regis nostri maiestatem agnoscens, defuncti etiam vltionem se pro virili parte persequuturam pollicens: vt suis ad Ducem Lotharingum literis, quibus piè admodum & fortiter illum

illum ad vindicandam Regis mortem
hortantur (qua de re ille nullum qui-
dem verbum in suis ad eos literis, vt
debit, fecerat) &, suo etiam illo scri-
pto confirmat: Ego tam admirabile ra-
ræ fidei monimentum latinè quoque à
me versum superioribus scriptis ad-
iunxi, vt hæc tantula opera patriæ meæ
de sua illa adeo insigni & posteritati
meritissimè prodenda fide atque con-
stantia nonnihil gratuler, & cæteras
vrbestotopectore, adhortor, vt memo-
rabile fidelissimæ illius ciuitatis exem-
plum sibi ad imitandum proponant.
Quod quidem si fieret, proculdubio
coniuratorum nostrorum & animi cō-
ciderent, viresq; valde multum ener-
uarentur, & ciuium animis compositis,
rebusque, & vrbibus maiestatis Regiæ
ditioni & imperio subiectis, Gallia
nostra à tot ac tantis, quibus tamque
diu, tamq; miserè diu exata est, malis à-
liquantum recreata, paulatim pristinæ
sue dignitati, ac fælicitati restituere-
tur, & in dies, magisque ac magis flore-
ret. Agite igitur & ciues, & ciuitates,
& vrbes & vici deniq; omnes, vos an-
tiquæ fidei virtutisque memores, atq;
tot cladibus datis & acceptis pruden-
tiores.

tiores effecti, iam tandem expurgis-
mini, actam diris factionibus, pern-
ciosisque factionis vale dicto, ad ve-
strum officium nimium diu interrup-
ptum vos ipsi reuocate. Et vos meæ
Lingoniæ, quarum egregium facinus
immortalis gloria manet, satisque &
sæpè & dignè prædicare non possum,
in fide & officio perstate, & quæ ma-
gno animo pollicitæ estis, liberaliter
præstate: illudq; habetore, vos, præter
laudem, quam vos hinc maximam &
certissimam consequemini, amplissi-
mis quoq; præmijs & honoribus à ma-
gnificentissimo & honorificentissimo
Rege affectum iri. Sed patriæ studium
& amor, paulò me longiùs à proposito
deflexit: ubi si qua paulò liberiùs dicta
cuiquam videbuntur, ea velim pro suo
candore & pietate, si modò est pius &
candidus, tum rei indignitati, tum iu-
sto meo dolori, & in patriam Regemq;
meum pietati condonet. Tu verò, le-
ctor, cui hæc libenter exarauimus &
dicauius, hunc qualemcunq; cona-
tum boni consules. Nec verò mea, qui
ab interpretis officio & munere suis
numeris & partibus expleto, longissi-
mè absum, verba numerabis, verbo-
rumue


rumue structuram accuratiùs excuti-
es, sed rem præcipue ipsam æstimabis,
momentoq; suo ponderabis: Atq; Re-
gis mentem, fidem, pietatemque verè
Christianam, Gallicam & Regiam, illi-
us professioni, generi & maiestati con-
uenientissimam, quæ in his scriptis ma-
nifestè elucet, & ex tota illius vita
verè efflorescunt, admirabere ac præ-
dicabis: necnon à Deo Regum Regno-
rumque propugnatore ac patrono, tu
mecum ex animo petes, vt Regis tam
pij generosique consilia & actiones o-
mnes ad sui nominis gloriam, ad Eccle-
siæ instaurationem, ad Galliæ etiam
nostræ tranquillitatem, salutem & am-
plitudinem diutissimè felicissimeque
conseruet. Sedani è Musæo no-.

stro, 4. Die Septembr.

1589. Vale.

R E X

REX NAVARRAE-
VS AD TRES GALLICI REGNI
*ordines super ijs quæ à 23. Decemb.
1588. in Galliâ conti-
gerunt.*

VM ipse mecum recolo, (viri
clarissimi) me ab hinc quadri-
ennium earum, quæ in Gallijs
excitatae sunt, tragædiarum argumen-
tum fuisse, finitimorum fabulam, ar-
morum ciuiliū hypothesin ac mate-
riam, atque ab hisce armis enatam ma-
lorum iliadem: Cū rerum futura-
rum specie, & spe, tam à Gallorum co-
gitatione, quàm à meā ipsius volunta-
te aliena, sexcentas huic regno calami-
tates ipsa re illatas esse: atque ex vanā
quadam animisque ficta, meæ in Rega-
lem dignitatem successionis opinione,
iniquissimam regni vsurpationem de-
signatam machinatamque esse confi-
dero: Cum his oculis, quos mihi Deus
præcipue dedit, vt in patriæ salute sem-
per defixos, ad ipsius etiam malā sem-
per intentos habeam, eam furoris ciui-
lis incendio conflagentem, præcipuas
illius columnas iam exustas, & clarissi-
mas quasque ciuitates cruore & flamma

E. ma funditus deletas, summo meo dolore videre cogor: & quod multò est grauius ad extinguendum & opprimendum illius incendium, aquam non modò non adferre, aut opis, ad id quod integrum ac saluum superest, conseruandum aliquid dare, (vt vehementer cupio, idque vtinam præstitissem, vel ea lege, ne ampliùs inter viuos numerarer) sed me adeò cogi etiam inuitissimum faces illi ardentes inferre: atque meam defensionem reddere tam propemodum grauem, quàm importuna & infesta est eorum violentia, qui meam dignitatem vitamq; ipsam, immeritissimò petunt: Cùm, inquam, hæc omnia recordor, & mecum ipse reputo, aut ego sum stupidorum omnium, qui vnquam fuerunt, longè stupidissimus, aut in publicæ fortis consideratione, millies animus meus die patiatur necesse est eas pœnas, angores, tormenta, quæ, mille pœnæ, mille angores, mille tormenta æquare vix possint: præsertim, cum harum omnium calamitatum me à sceleratis prætextum, ab imperitis causam & appellari & existimari intelligo: quinetiam earum occasionem ipse quodammodo me esse agnosco &

prædico: quanquam tamen tanti mali
inuidiam falso mihi impositam verè
deprecari & auertere à me possim. Sed
ad me quòd attinet, quandoquidem ea
mea fors fuit, vt tam misero tamq; pu-
blicæ rei funesto tempore nascerer,
cùm ipse mihi subijcio, quid Deus Opt.
Max. in nouissimi huius belli princi-
pio, medio ac progressu mea causa præ-
stiterit, quot & quanta huius, (quam
tuenam suscepi) causæ æquitatis atq;
innocentiæ meæ testimonia dederit,
idque non in Gallia tantùm sed apud
exteras etiam nationes: non in amico-
rum solum animis, sed in ore quoq; ac
sermone eorum, qui amici non erant:
non in vulgi duntaxat opinione, sed
(huius rei testis est ipse Deus) in inti-
mo animi Regis ipsius sensu, quã mul-
tis item modis, & indicijs ille ipse De-
us comprobarit se non mediocrem mei
curam habere, quem, videlicet, saluum
& incolumem aduersus eas vires, qui-
bus nullis meis viribus resisti posse vi-
deretur, mirandum sanè in modum cõ-
seruarit: equidem si alius essem atque
ego sum, tam mihi iucunda esset priua-
tæ meæ conditionis gratulatio, quàm
publicæ recordatio iniucunda est. Ego
verò

verò , lætissimi viri⁷, facere id nullo
modo possum: nunquam mihi prior po-
tiorque erit mea, quàm patriæ ratio:
illius vtilitas quàm mea mihi perpetuò
antiquior erit & carior: semperque id
efficiam, vt mea ipsius mala, damna &
vexationes patriæ damnis ac calamita-
tibus opponantur ac præcurrant. At
illud saltem solatium quo in maximo
meo dolore vtor, non possum tacitus
omnino præterire, quòd oblata qua-
cunque occasione, tum actionibus, tum
verbis, tum scriptis meis omnibus te-
stificatus sim, quanta me molestia & so-
licitudine afficerent, illæ procellæ ac
tempestates, quibus nos velis remisq;
ipsos obiectum proculdubio ibamus,
nisi præteritorum naufragiorum exē-
plis cautiores in posterum fieremus. Id
vestrum neminem fugit, ipseque mihi
persuadeo nullum iam existere, ita im-
potentem & suis indulgentem affecti-
bus, qui hoc mihi testimonium dene-
get. Quod quidem tanto me opere con-
solatur, vt nihil omnino aliud (exce-
pta huius causæ bonitate & æquitate)
Dei in me iram magis sedasse, nihil e-
um quicquam magis quàm vnum illud
ad me tutandum seruandumque com-


mouisse credam. Quod si illi ipsi Deo
visum fuisset, & Regis & vestrum et-
iam animum sic afficere, vt in ordinum
conuentus, quia delegatis quibusdam
viris coram ipsius maiestate Blesis ce-
lebrati sunt, arcessitus fuissẽ (id quod
meo sane iudicio factum oportuit) mi-
hi que bona Regis & vestra omnium ve-
nia licuisset, quæ de Rep. sentirem co-
ram disputare: Ego verò subiecissẽ
vobis & confirmassẽ non habere me
solum aut cogitationem in animo, aut
verba in ore, sed efficiendi quoque fa-
cultatem in manibus: nihilque me vo-
bis proponere vanum & futile, &, de
quo variè multumq; disputandum es-
set: nullam item me animi propositio-
nem in medium proferre certis cir-
cumscriptam conditionibus: nulla de-
nique speciosa & magnifica verba ef-
fundere, quibus ipse interim teneri
nolim. Contrà, præclara & vtilissima
consilia meditari, quibus meum, sum-
mum ad Regis splendorem atque regni
amplitudinem animum studiumq; sim,
quantum quidem in me erit, testatu-
rus, etiam cum certissimo meæ digni-
tatis & vitæ quoque ipsius dispendio.
Cum verò eodem mecum animo affe-
ctos

et os esse omnes intellexero, nihil erit
tum mecum articulatè paciscendum,
nihil accuratius cauendum & sancien-
dum: optimæ mentis conscientia mihi
hoc satis confirmante, nihil aliud ad
hos tumultus componēdos, durum me
ac difficilè reddidisse, præter vnius cō-
scientiæ, meæque dignitatis rationem.
Verum enim uerò quando id præter-
missum fuit (& aliquando fortasse hoc
Gallia nostra in suis erratis ac delictis
annumerabit, cum ad grauissimū mor-
bum depellendum nullis præstantior
medicus adhiberi possit, quam qui æ-
grotum animo carum habeat) hoc ego
saltem vobis iam tandem declaratum
compertumque volo, quod & mei offi-
cij esse puto, & ad Dei cultum, ad Re-
gis, summi mei Principis obseruantia-
m, nec non ad totius regni emolumē-
tum maxime pertinere arbitror: quo
omnes sceptro regio subiecti planè id
intelligent. Atque (vt hîc fidem me-
am liberasse videar) consilium meum
& ex consilio meam simul innocentia-
m perspectam habeant. Ego rerum
mearum statum vobis primū ante o-
culos constituam, neq; id tamen vt de
me aliquid gloriær (quoties enim id fe-

cero , toties me Deus ipse deprimet)
neq; vt vobis videar è superiore, quod
aiunt , loco verba facere tanquam re-
rum omnium potitus (ille ipse Deus
nouit, in quo totus acquiescam, in quo
præcipuè spem omnem meam repo-
nam , quo etiam nitar & omnino con-
fidam) sed potiùs vt duo vobis propo-
nam: primùm luctuosam horum mise-
rorum bellorum sortem: quantò supe-
rior fuerit hostium aduersum me con-
ditio: quot quantisq; copijs in me in-
uaserint, quid tandem profecerint: vt
vos affectibus vacui saltem iudicetis,
Deum vnum aduersus tot, tantasque
vires factum me tectumque non con-
seruasse sine miraculo quodam : Hoc
autem miraculum minimè futurum
fuiſſet, nisi à meis partibus starent in-
nocentia , causæ æquitas atque iusti-
tia.

Deinde vt vosmetipsi statuatis , v-
trum quæ dico timore perculsus di-
cam, an causâ aliqua sit, quare oratio-
nis blanditijs & insinuatione qua-
dam vti cogar , acerbioris scilicet
quam sum antea passus pœnæ metu:
an sola exitij mei cogitatio animum
meum

meum inflectat, an contrà id efficiat
verus calamitatum patriæ sensus: pa-
cis studium & Galliæ dignitas ac sa-
lus. Thrasonem certè quidem alte-
rum præter decorum agere viderer, si
quales exercitus quatuor abhinc annis
aduersus me comparati sint, vobis or-
dine ac singillatim recenserem: Ex-
istimaretis profectò mea me præclara,
facinora ostentare velle. Ne id verò
existimate. Non est hoc mihi propo-
situm. Atque vtinam Dux nunquam
fuissem, quando tyrocinium meum
tanto Reipublicæ detrimento & cala-
mitate constare debuit. Breuius au-
tem fecero, & ad rem ipsam accom-
modatius, si à vobis quæram quos
iam Gallia ductores ex ijs qui aduer-
sus me missi sunt, reliquos & super-
stites habeat. Intra quatuor annos
ego decem exercitus, Regis item
legatos decem vidi, eosque Regni
in toto Christiano orbe florentissi-
mi, ac potentissimi viribus & opi-
bus instructos. Si hoc à me glorio-
læ cuiusdam captandæ gratia dici ex-
istimatis, erratis. Nam vt istam o-
pinionem ex animis vestris euellam,
ex decem illis conscriptis exercitibus



cum vno tantum verè mihi res fuit ,
quem collatis signis aggressus profligavi. Et in eo quidem nominatim Deus
mea opera ad ipsius perniciem vti voluit. At in reliquis omnibus fundèdis,
nihil ferè laboravi, nihil egi; Illi ipsi
per se ac sua mole conciderunt prius
atq; euauerunt, quàm in meum conspectum venerint, eodemque pæne
tempore illos tum collectos, tum dissipatos intellexi. Angelus ipse, virga illa
diuina lædendi mei potestatem illis ademit. Non sum is, cuius virtuti ac
meritis rei tantæ gloria accepta ferenda sit, cùm nihil operæ viriumq; mearum
ad eam contulerim. At enim quid tandem ab illis re ipsa effectum est? Id
verò quæritote de vestris illis delegatis comitibus, earum prouinciarum
incolis, in quibus pij viri religionis ergò profugi, locum per fugij aliquem
habent. Considerate, amabo, quo in statu ante hæc bella illi essent,
& in quo iam sint; ac facilè inde colligitis, quidnam profuerit à quatuor hi-
cæ annis decies centies mille hominū in hoc ciuili furore desideratorū hor-
ribilis strages: aurifodina in tam immanes & prodigiosos bellorū sumptus
exhau-

exhausta: Regni totius Gallici labes &
ruina: cui pæn è omnes faciliùs assensi
sunt, quàm si de ipsorum Ottomano-
rum profligatione, & clade, aut de ad-
iungendis huic regno omnibus Chri-
stiani orbis regnis ageretur. His dili-
genter ponderatis, fieri aliter non po-
test, quin animis vehementer afficia-
mini, atque animaduertatis hoc esse o-
pus causæ extraordinariæ planè extra-
ordinarium. Atque hîc vobis profite-
bor quemadmodum harum rerum co-
gitatio vestros oculos atque manus
tantisper continere debet, vt sic apud
vos statuatis, si cum Deo pugnetis, vos
frustrapugnare: Sic mihi quoque ipsi
manus ad Deum supplices tendendas
esse, vt caueam diligēter ne hisce pro-
speritatibus rebusque secundis turge-
scam & efferar, sed earum causam ad il-
lum potiùs vnum referam, persuasum
hoc penitus habens, si aliter facerem,
Deum oculos suos aliò conuersurum,
& per duos menses plus accessionis &
emolumenti hostibus meis aduersus
me daturum, quàm beneficij à quatuor
annis & incrementi mihi aduersus ho-
stes meos dederit. Ego verò illius be-
nignitate confusus, id me nunquam ad-

missurum spero : & idcirco cupio ut
hæc mihi scripta in toto terrarum or-
be personent ac denuncient, me ad
pacem tranquillitatemque huius Re-
gni, meamque ipsius, à Rege Principe
meo petendam, æquè nunc atque an-
tea vnquam affectum paratumque ef-
se. Equidem horum bellorum initiò,
rationem meæ conscientiæ, & digni-
tatis habui, eamque ut integram ac in-
uiolatam mihi per Regem seruare li-
ceret, illi perquam summisse semper
totoque pectore supplicauì, Bella au-
tem ut nihil mihi de ea voluntate de-
traxerunt, sic nihil etiam addiderunt,
quo fretus me difficilem & implacabi-
lem reddam: Id ergo suppliciter & de-
misse cū obtestor atq; obsecro. Quòd
autem, viri egregij, ad vos attinet, exi-
stimo certè si eum ametis, si dignitatē
illius & amplitudinē, regniq; toti⁹ sta-
tum curæ cōmendatio nīq; habetis, si
illius calamitates nostis, carūq; reme-
dia: debuissē iis qui vestro nomine co-
mitiis illis interfuerunt, præcipere, ut
suas propositiones ac conclusiones, &
hinc inirēt, & hīc finirent: Illud adhuc
ipsum vos summopere rogo & obte-
stor. Mihi quidem dubiū non est, quin
Catholicum hoc axioma in suis illis

commentariis inseruerint, in vno regno
vnitanti Religioni locū esse, atq; Re-
gni fundamentū pietatē esse, quæ ibi
esse non possit, vbi Deus vario ritu &
proinde perperam colatur. Id vobis as-
sentior: ita planè se res habet & maxi-
mo meo dolore. Video equidem per-
multos qui ea de re vno ore cōqueran-
tur: at qui remedium illi adhibere cu-
rent, per paucos video. Ego aut̃ æquis-
simas sēper conditiones proposui atq;
etiāmnū propono. Vsitatas ac tritas in
rebus eiusmodi vias psequamur: si quæ
sunt extraordinariæ, eæ verò indagen-
tur. Et ego & oēs qui puriorē mecum
Religionē profitentur, Concilij liberi
sententiæ ac decretis semper subscri-
bemus. Ea vera via est eaq; sola, quā oī
memoria Maiores nostri eius rei tritā
reliq̃runt. Illius oīno decretis & stabi-
mus & cademus. At in aīnum suū in-
ducere eam cōsensionē à nobis extor-
queri armis posse, id sanè (ita me Deus
amet) fieri nō posse existimo. Et quidē
euentus ipse, quā verè hoc dicā, satis
testatur ac comprobatur. Quamuis con-
scientiæ meæ rationem nullam ha-
buissem. famē certè ac dignitatis, vt ita
dicā, cōsideratio inde me deterruisset.

An-

Annō est hoc planē inauditum, eādem
vlli naturā Turcæ aut Pagano inten-
tatam vnquam fuisse, intentatam, in-
quam, Religionis nomine, priusquam
tentatum fuerit, an is ad verum Dei
cultum conuerti possit? Et tamen ar-
bitror, inimicorum meorum infestis-
simo cuique non videri me à Dei metu,
cognitione, cultuque alieniorem esse,
quàm Turcam. Nihilominus tamen
seuerius multò & crudelius mecum,
quàm cum Barbaro illo agi solet. Ec-
quid, rogo, de me sentirent ac prædi-
carent ij qui Religioni Catholicæ ma-
ximè omnium adstricti sunt, si vita à
me vno modo rituque ad trigessimum
vsque annum acta viderent, me subitò
à mea illa Religione deficere, vnus
scilicet Regni expectatione? Quid di-
cerent ij, qui me fortem & constantem
hactenus viderunt ac senserunt, si me-
tu fractus & debilitatus turpiter eiu-
rarem eam colendi Dei rationem, quā
ab incunabulis ipsis sum amplexatus?
Hęc sunt argumenta, quæ ad honorem
externum ac popularem pertinent. At
si rem ipsam benè penitus inspicia-
mus, quæ conscientia hæc erit, quæ
pietas & fides, cum qui ad certam Re-
ligio-

ligionis professionem ab ineunte ætate
educatus, institutus atq; euectus fue-
rit, causa & indicta & inaudita dere-
pente ad contrariam partem descisce-
re? Nunquam verò clarissimi viri,
nunquam certè Rex Nauarræuseò ad-
duci poterit, etiam si triginta Diade-
mata premij loco illi tum certatim o-
stententur, tum certò offerantur: ne-
dum vnus tantum spe id cogitet in a-
nimoque habeat. At facile vt insti-
tuar. Non sum pertinax. Erudiendi
viam capeffite: incredibiliter promo-
uebitis. Nam si præter eam cui sum
addictus, veritatis viam, aliam mihi
monstraueritis, eam insistam. Faciam
& id ampliùs, quòd ex tam multis mea-
rum partium hominibus, ne vnū qui-
dem, opinor, relinquam, quin me du-
cem lubens sequatur. Præclarus certe
fructus à vobis ille erit & insignis, in
mea vnus salute tot hominum myria-
das Deo lucrifacere & ad Christi im-
perium adiungere. At nudis verbis vel-
le nobis satisfacere & nullis adductis
rationibus vobis persuadere nos ad v-
num copiarum aspectum percelli de-
bere, an id sit rationi consentaneum,
vos, ó viri Egregij, ipsi videbitis. Sed
hæc

hæc missaiam faciamus. Si meæ duntaxat salutis consultum vultis, vobis gratiam habeo : si verò Religionis meæ rationem mutari, nullam aliam ob causam desideratis, nisi quod metuitis ne aliquando vos ad idem vitæ genus inuitos compellam, erratis. Meæ actiones, vestræ isti suspicioni repugnant. Viuendi genus quo & cum amicis & cum iniunicis tùm domi, tùm militiæ vector, satis multa mei animi & ingenij documenta præbet: vrbes quas teneo, & quas non ita pridem occupauit, eius rei fidem vobis facient. Non est sanè verisimile paruam hominum meæ Religionis manum posse infinitam Catholicorum multitudinem ad id amplectendum cogere, ad quod infinita hæc multitudo paruam illam manum cogere non potuerit. Quòd si hanc tam grauē causam tantillis instructis copiis tamdiu sustinui ac propugnaui: quid igitur ab iis expectandum esset, qui tot tantisque opibus ac viribus armati se potentissimos meis conatibus adeò infirmis opposerent? Nihil profectò nec iudicij nec prudentiæ in hac rei gerendæ ratione inesse videretur. At id iam non agitur. Non fumenim

eo

eo loco, vt de vobis vel benè vel malè
mereri, Deo ita volente, possim. Illius
ipsius benignitate fretus, id nec ego
vnquam tentabo, nec vos vnquam ex-
periemini. Nempe mihi seriò de morte
cogitandū erit, cū Rex ille noster æ-
tate confectus diē extremū obibit. De
rerū igitur futurarū, quæ à nobis lōgè
remotæ sunt, eueniū, ne ad eò labore-
mus, vt præsentēs, quæ magis vrgent &
maximè nostra intersunt, negligamus.
Deus eorum oīum, qui in Gallico statu
res novas moliri poterant, consilia pe-
nitens aperuit: mea quoq; ille ipse oībus
parefecit & illustrauit: Atque ita planè
vt nulli vestrū, totius etiā Galliæ nulli
ea lateant, & obscura sint. Annō mise-
rū & hoc dolēdum est, neminē esse cu-
iuscunq; vel sortis vel ætatis hominē,
qui tantū malū nō videat, qui arma hæc
nō detestetur, clamoreq; ac conuitiis
psequatur, qui ea nō appellitet febrem
continuum, ac publico statui funestam:
Nullū tamē hæten⁹ extitisse qui vel hi-
scere voluerit ad remedij aliqd huic tā
gravi malo adferendū! Nullū in toto il-
lō Blesensi cœtu tantū animi habuisse,
vt sit ausus sacrū illud Pacis nomē pro-
ferre: Nomē, inquā, Pacis sacrosanctū
cuius

cuius effectu atq; obseruatione huius
Regni amplitudo & salus continetur.
Hoc ergo (viri clarissimi) habetote ad-
mirabilem hanc & fatalē væcordiam
certissimum esse omnium, quæ à Deo
dantur, huius regni occasus atque in-
teritus augurium. Totus hic status
grauissimo iam pridem morbo affli-
ctatur: Id nullus non videt: ex omni-
bus signis, tanti mali causa, & fons iu-
dicatur bellum ciuile: Morbus profe-
ctò pænè insanabilis, ex quo vix vn-
quam vlla Respub. conualescere om-
ninò & sanari potuit: aut si conualuit,
si hæc apoplexia illam planè non op-
pressit, afflixit, perdidit: At in Paraly-
sim certè defuit, cum dimidij corporis
perniciæ. Ecquod autem remedium?
Nullum sanè aliud, nisi pax, quæ in me-
dio hoc regno politiam constituit, quæ
politix beneficio, vires illi naturales
restituit, quæ eiusdem politix opera &
vi, contumaces ac prauos humores ex-
pellit, corruptos purgat, eosq; succo,
& sanguine incorrupto, nimirum re-
ctis cogitationibus, consiliisq; ac stu-
diis saluberrimis replet: quæ denique
vitam illius fouet. Illa igitur pax, pax,
inquam, illa à Deo Opt. Max. summo
studio

studio petenda est, quippe vnicum tam
afflicti & deplorati status remedium,
& sola illius certa que sanatio. Quia
aliud remedium quaerit & adhibere co-
gitat, non remedium quaerit, sed vene-
num. Quam obrem vos omnes hoc scri-
pto Catholicos, & oro, & obtestor, siue
eos qui in debito Regi officio, ac fide
perstiterunt, Siue eos qui ab ea defece-
runt, vos omnes ego appello vt Fran-
cus Francos. Ego vos imploro atq; ad-
hortor, vt huius status misereamini &
vestri etiam ipsorum, qui cuniculis il-
lum & machinis suffodientes, nulla
vnquam arte effugietis, quin eius rui-
na obruamini. De me autem, etiam si
vi me cogatis ea videre, pati & facere,
qua positis armis nec videre, nec pati,
nec facere possim, quanquam mihi
mors ipsa millies appetenda sit. Vos
tamen obtestor iterum ac deprecor,
vt iam tandem exuatis miserum istud
ac mortiferum studium consiliumque
belli ac violentiae, quae clarissimum
hoc & potentissimum regnum miseri-
rimè discerpunt ac dilacerant, quae no-
strum alios quidem inuitos ac repu-
gnantes, alios autem pernimum vo-
luntarios a nostro in Regem officio di-

C

strahunt,

strahunt, quæ nos mutuisciuum vul-
neribus ac cædibus cruentant, quæ
nos iam toties externis deridēdos præ-
buerunt, & tandem diripiendos at-
que mancipandos etiam præbebunt:
Vos, inquam, moneo & rogo, vt
omnes acerbitates, simultates, atque
odia deponatis. Pacis verò, concilia-
tionis & confociationis, obedientiæ,
ordinis ac concordix his bellis inter-
ruptæ, studia consiliaq; repetatis, qui-
bus minimæ quæque ciuitates maxima
tandem imperia euadunt: quibus et-
iam ipsis Francicum hoc Regnum ne
longè abeamus, tamdiu stetit ac flo-
ruit, de Christianorum imperiis lon-
gè primum ac potentissimum. Cate-
rum, quanquam ego sexcentas de tota
Guisiorum gente conquerendi occa-
siones priuatim habeam, Guisiorum,
inquam, mihi propinquorum, & ita
propinquorum sanè, vt excepto gene-
ris Borbonij, vnde sum oriundus, co-
gnomine, nullus vsquam propinquo-
res habeam: quanquam etiam Gallia
tota in vniuersum, plures quam ego
grauioresque de iis ipsis conqueren-
di occasiones habeat: D E V M ta-
men ipsum testor, quantum animo ce-
perim

perim' dolorem , cum illos vidi eam
fuisse ingressos viam , vnde animus
mihi certò præfagiit , cum aliqua sui
nominis laude & glorioso fælici-
euentu nunquam egressuros. Ille ipse
D E V S mihi sit testis , cùm eos Re-
giæ Maiestatis ministerio , vtilis ef-
se atque opportunos nossem , (Ad-
dam etiam meo ipsius , cum non me-
diocri iis honori sit cognatione me-
attingere , quippe quos & loco & di-
gnitate antecellam) quantopere fuis-
sem delectatus , si quas & multas &
magnas corporis atque animi dotes
à D E O & naturâ consequuti sunt ;
illas ad eorum , quibus officium & ob-
sequium debent , amplitudinem con-
tulissent : cùm eos aliorum praua con-
silia in contrariam partem impellant.

Et quidem cæteri omnes , præter
me vnum , illorum calamitatem ride-
rent , summaque voluptate afficeren-
tur , si Regis indignationem , edicta
atque arma ad exitium eorum conuer-
ti viderent ; Ego verò id facere ne-
queo , nec etiam facio , nisi quòd ex
duobus malis minus eligere cogar .
Me igitur ipse liberè primùm compel-
labo , deinde illos ipsos , vt nullâ postea

excusationem adferre possimus: Neuter nostrum vllò successu animos tollat. Ad me quidem quòd attinet, et si in hoc postremo bello plus beneficij, & auxiliij, quàm in superioribus omnibus à Deo acceperim, cumque aliæ duæ factiones (quæ, malum ista est infelicitas, vt eas sic appellare oporteat?) plurimum debilitatæ sint: mea verò confirmata & aucta etiam esse videatur. Scio tamen, cum ab officio meo discedam, Deum non amplius præsentem ac propitium mihi futurum. Ab eo autem discedam, quando nulla graui iustaque de causa, sed vltro, & pro animi tantum libidine, meum illum Regem adoriar Regni-que tranquillitatem perturbabo. Idem quoque de illis omnino sentiendum, quia quatuor hisce annis præteritis arma paci prætulerunt, qui primi quietum hoc regnum mouerunt, & tertiam istam factionem Francorum nostrorum, atque aorum quoque suorum fide tantoperè indignam excitarunt: cum Deus ex iis quæ nuper euenerunt, planè ostenderit, ea sibi minime omnium grata esse, quæ illi moliti fuerunt, Cumque Regis animum

ad

ad consuetam illam, & multis testi-
moniis confirmatam clementiam
commouerit, vt id suis quoque scri-
ptis profiteatur, conquiescant illi ali-
quando: satis superque malorum nos
omnes, tum intulimus, tum pertuli-
mus. Totum quadriennium ebrij. in-
sani, furiosi etiam fuimus: Anne hoc
quidem satis est? Non satis poenarum
Deo adhuc dedimus, quocunque, &
quicunque etiam simus, vt ex nostro
illo tam diuturno grauique veterno
aliquando excitemur, ad sanio-
rem mentem redeamus & nostras illas fu-
rias comprimamus? Adhuc si mihi
hoc licet, vt ego quippe summissus ac
fidelissimus Regis subditus meam
hac dere tota, neq; opinor, ineptam,
aut absurdam sententiam aperiam,
proponamque iis quos Rex in consi-
lium adhibet: Ecquis, rogo, vnquam
audiuit imperium vllum diu stare pos-
se, in cuius venis ac visceribus duæ di-
uersæ factiones hæreant, eæque arma-
tæ? Quid igitur hoc Regno fiet, vbi
tres, tanto animi ardore & pertinacia
conflictantur? Quanam ratione Regi
persuaderi possit, vt bellum ciuile sus-
cipiat, & eodem tempore aduersum



duos? Nullum quidem certè exem-
plum, nulla historia, nulla etiam ratio
vsquam extat, quæ inde felicem exitū
illi polliceatur. Pacem faciat necesse
est, eamque vniuersam, vnà cum suis
omnibus vtriusque, tum partis tum
Religionis ciuibus: aut, eos saltem
colligat, sibi que reconciliet, qui à de-
bito ipsi officio & cultu recesserint.
Atque hîc, hîc quæso vnusquisque de
mea mente atque animo iudicet. Sic
ego scilicet iniuriam pro beneficio
rependo, sic etiam Regē in ciues suos,
qui ad præclaram istam conspiratio-
nem se applicarunt & adiunxerunt in-
flammare cogito. Quanquam tamen
hoc (viri præstantissimi) si cogitarem,
& Regi in summas angustias adducto
omnia mea officia & obsequia præ-
starem (id quod sanè, si mihi impera-
uerit, faciam) nemini vestrū dubium
est, quin ego (quantum quidem de re-
bus humanis coniici sperari que po-
test) multa factiosorum istorum con-
silia conturbare atque inuertere, ma-
gna etiam ipsis negotia exhibere pos-
sim.

Nunc

Nunc omnes huiusce Regni ciues, qui
nostrarum infaniarum & intemperiarum
spectatores tantum fuerunt, ap-
pello: Appello & nostram nobilitate,
totum Sacerdotalem ordinem, nostras
vrbes, populum etiam nostrum: cum
iis mihi iam sermo esto.

Considerent enim & cernant ani-
mo, quod precipites feramur: quid Gal-
lia nostra fiet: quænam futura sit huius
Regni facies, si huic malo nullus mo-
dus statuatur: quo loco & numero e-
rit Nobilitas, si Gallici Regni admini-
stratio mutetur, vt proculdubio mu-
tabitur, (& certè iam mutari videtis)
si vrbes aduersariorum metu cogan-
tur maioribus intra mœnia præfidiis
ac duplicatis viribus se firmare, nul-
lius cuiusquam imperium pati, & ex
vna Monarchia, plures Democratias,
Heluetiorum more, & exemplo con-
stituere.

Nemo ciuium, sanè quidē ita mihi per-
suadeo, eo animo est: Sed bellū nec sine
meo dolore maximo, eos ad id tandem
impellet. Iam nunc mali huius initia
nasci videmus, primo quidem aspectu
suauia, & specie blanda, qua optimus

& fidelissimus quisque ciuis fascinari
se, & peruertere faciliè patietur. Quænam
conditio vrbes manet, cum specioso
quodam, sed vano libertatis nomine,
veterem splendidissimi atq; amplissi-
mi huius status disciplinam ordinem-
que subuerterint? Cum vniuersam
Nobilitatem sibi infestam, Plebem in-
uidam, simul & direptioni ac popula-
tioni auidissimè inhiantem, quippe in
ipsarum scriniis atque officinis innu-
meras opes, immensos etiam thesau-
ros animo fingentem habuerint? Quid
agem præcipui & clarissimi quique vi-
ri, qui suas omnes dignitates & magi-
stratus quos gerunt, siue in quæstorio
ministerio, & in Aerario, Fiscoq; Re-
gio, siue in Iure dicendo, aut in Politia
Publicaq; rei administratione, aut in
re militari ex Mōarchiæ statu obtinēt,
nec non potissimā domesticarū facul-
tatū partē in pub. illis muneribus con-
stituunt? Ar id omne ipsis perit Mo-
narchia. Quis liberū itē tutumq; illis
commercium dabit? Quis eorum pos-
sessiones, periculo in agris liberabit?
Quis Iustitiæ auctoritatem conserua-
bit? Quænam erunt eorum decreta?
Quis illorum exercitiis præficietur?

Quis,

Quis, vt semel dicam, ô cæci miserique
homines, in tanta rerum omnium per-
turbatione ordo futurus est? Hic fu-
ror, credo, vnum aut alterum etiam
mensẽ vigere poterit: non aliter
quàm dicitur febris ægrotum ad tem-
pus aliquod fouere. At putare vllam
societatis cõtionem atq; imperij for-
mam, iracundiæ & vindictæ funda-
mentis firmissimè inniti, diutissimeq;
stare posse: id verò nullo prorsus pacto
fieri potest, cùm nec visum, nec lectum
vsquam sit, mutationem alicuius im-
perij factam vnquam fuisse, sine vrbi-
um quæ præcipuum sunt illius firma-
mentum & robur, labe ac perniciè. Tu
verò Popule, cùm Nobilitas tuæq; yr-
bes in contrarias partes distractæ e-
runt, quis tranquillitati atque otio re-
lictus erit locus? Tu, inquam Popule,
vberrimum Regni horreum, huiusce
status fœcundus ager; cuius labor,
Principibus cibum, sudor potum, ar-
tificia cultum, industria omne delicia-
rum genus prolixè cumulatèque sup-
peditant, ad quem tandem confugies,
cùm tua te nobilitas proteret & con-
culcabit, cùm tuæ vrbes immanem pe-
cuniam à te exigent? ad Regemne, qui

nec his, nec illis pro suo iure imperabit? Illius iustitiæ Consiliarij & Administri vbinam gentium tunc extabunt? Præsidium prouinciarum quæ tunc potestas? Urbis præfectus quid iuris & autoritatis in nobilitatem habebit? Inter Nobilitatis Principes quid tunc ordinis? Miseria, videlicet, confusio, vitæ perturbatio, magna vbiq; calamitas. En bellorum nostrorum fructus! Nullo autem obliuionis vitio Ecclesiasticos prætereo, sed de ijs nominatim verba facere nolo, veritus, ne meam autoritatem defugiant, infestiores me sibi aduersarium arbitrati, quàm re vera sim. Enimuerò, vt apertè dicam quòd res est, longè maiorem de eiusmodi ordine, quam de duobus Franciæ reliquis conquerendi occasionem habeo. Sed id parui refert, cum in toto eorum grege multi sint minimè mali. Quòd ad illorum verò professionem & religionem attinet, equidem nonnullis in capitibus sum illis contrarius, in nullo verò inimicus. At vna omnes mente, vnoque orè consentimus, cum in alijs quibusdam, tum in eo maxime, in quo de Ecclesiæ Gallicanæ priuilegijs ac tributorum immu-

nita-

nitatibus à Pontificū vsurpatione vindicandis agitur : vtcunque se res habeat , quanquam omnes in eos inuehendi & inuadendi etiam causæ mihi non deessent , eas tamen omnes communis concordia causa , & grauissima mei erga Regem publicamque vtilitatem officij consideratione adductus , voluntaria quadam obliuione contererem. Interim quid illi cogitant aut sperant ! Bellumne facere , simulq; decimas soluere in ijs locis , in quibus plurimum possunt ? Esto , ita sanè : At in ijs in quibus autoritate & potentia valeo omnia ferè ex ipsorum bonis vsurpabo , eiq; vsurpationi mederi nulla iam ratione possum , sed temporis progressu , cū omnia mutuis dissensionibus flagrabunt , qua se conditione fore putant ? Animum , rogo , aduertant , quò euadant nostræ vrbes , nostri populi , nostra nobilitas , & cum animis suis etiam atque etiam reputent. Illi maximè quibus pietas commendationi est (esse certè debet) an aliquid sit in rebushumanis , pietati æquè contrarium atque vitia , morum deprauatio & immodica rerum omnium intemperantia : Ecquid verò sit , quòd plura
gra-

grauioraque vitia maiorem deprauationem, atque intemperantiam efficiat, quàm effrenata bellorum omnium licentia? Hoc mihi præterea diligenter expendant ij, qui non alia via tantas opes, opibus tantis cumularunt atque adauxerunt, quam pace, quàm ordinis conseruatione, quàm obedientia priscis Regibus præstita, quàm Religione: quantò deteriori in posterum conditione futuri sint, bello, perturbatione ordinis, impietate & seditiosa ista contumacia, aut si ita mauis, contumaci ista & funesta seditione. Sed enim compellatis speciatim singulis hoc etiam generatim addam: Si Dei beneficio omnia Regis nostri consilia & actiones prosperè, vt spes est, procedant, isque omnes Regni factiosos ciues vincat & subigat, quanquam victor, misertamen est, si ab ijs omnibus, quas commeruere, pœnas repetat! Quid enim! maximam vrbiũ partem, infinitum ciuium numerum pœna merita, & debita multari? Nimis certè miserum hoc, acerbum & calamitosum etiam nimis hoc fuerit. Calamitas est, furor est, quem Deus in hoc Regnum immittit, vt peccatis nostris plectamur.

mur, sed hæc nobis obliuione delenda,
hæc etiam condonanda sunt, nec gra-
uius stomachandum cum nostris popu-
lis & vrbibus, quàm cum furioso, dum-
obuium quælibet percutit, quàm cum
insano, dum nudo corpore vagatur &
circumcursat. Quodd si è contrario cõ-
iurati isti suas adeo vires confirmant,
vt eas Regijs viribus obijciant & Re-
gi ipsi obstant (vt certè id facturi vi-
dentur, valdeque metuo ne illius pa-
tientia sit præcipuum illorum robur,
Deo fortasse volente seuerius in nos
animaduertere, adeò vt valdè dubium
quidem sit ac incertum, quo tandem
loco & ille ipse & nos futuri simus.)
Quid de Francis nostris dicemus? Quæ
enim hæc est ignominia nostros Reges
à nobis expulsos & fugatos esse? Ma-
cula certè, qua nunquam Maiores no-
stri nomen suum contaminarunt. Et
qua potissimum laude reliquos omnes
totius Christiani imperij clientes &
subditos superare longè videmur. At-
enim, annon iniquissima est hæc mea
fors & infælicitas maxima, qui otio-
sus hæc omnia spectare cogar? Ad ar-
ma sum necessitate summa adactus: in
quos ea iam conuertam? in Regemne?

Ad

At diuino instinctu afflatuque concitatus, meam ipse causam aduersus coniuratos suscepit. Cur eos in extremam desperationem adducam! Cur ego qui pacē palam prædico & hortor, Regem aduersus eos irriterem, & mearum copiarum quæ illos tantopere angunt & sollicitos habent, cogitatione, illi voluntatem, his spē recōciliationis adimam? Et hoc est vnū quod me maxime angit. Nam si quietum & otiosum me spectatorem præbuero, illi qui iam non consilijs solū & studijs, sed armis etiam & castris dissident, aut redibunt iterum in gratiam, in mei meorumque omnium, quoad poterunt perniciem, vt bis iam terue euenisse memini, aut Regis vires ita debilitabunt, suas contra ita confirmabunt, vt illo afflicto & iacente parum admodum roboris atque animi futurum sit, ad impediendum, quo minus & ipse affligar & totus iaceam. Sic autem (Egregij viri) vobiscum ago, quippe quos sciam, valdeque multum doleam; non eodem omnes animo studioque mecum affectos esse. Edicta à Rege Principe meo promulgata, cū alia, tū postrema satis palam faciunt, ex comitialibus illis

illis delegatis , nonnullos , atque a-
deo plerosque omnes , certis qui-
busdam hominibus additiores quàm
Regi ipsi fuisse. Quòd si quid iudicij
in vobis est , idem planè vobis quod
mihi , persuasum erit , non me tan-
tùm , sed Regem etiam , deinde ter-
tiam istam factionem , necnon vos i-
psos , tum vniuersos tum singulos in
summo rerum discrimine versari. Né-
pe nos in eadem omnes domo , eaque
valde ruinosa , sumus. Nos eadem na-
ui , quæ varijs agitata procellis à nau-
fragio non longè abest , inclusi simul
omnes , continemur : neque vllum re-
stare tamen aliud remedium videtur
nisi pax , quæ tandem cunque aliud cõ-
miniscamur & exquiramus. Quæ qui-
dem cùm ita sint , ego tum melior tum
præstantior (id enim verè dicam) tum
grauioribus quàm cæteri omnes iniu-
rijs affectus , pacem nihilominus à Re-
ge summo Principe , omnium nomine
peto : qui alio quàm omnium nomine
pacem vel petierit , vel fecerit , is
profecto pacem non rectè nec petie-
rit nec fecerit. Atque huius rei gra-
tia profiteor me difficilem minus mo-
rosumque fore , vel millies , quàm
fui

fui vnquam, si tamen vnquam fui. Ego
posthac mea in Regem obedientia atq;
obseruantia volo cæteris omnibus ad
omnem officij & obsequij rationem e-
xemplo esse. Cæterum ijs iam toties
propositis à me atque expositis, quæ
meierant officij, & nostræ quoque o-
mnium vtilitatis, hoc tandem edictum
volo, illis primum qui Regis partes se-
quuntur, nisi huic sancto salutarique
consilio assenserint (non de bello qui-
dem cum factiosis, cum Lotharingis,
cum Parisiensibus, Aurelianensibus
aut Tolosatibus gerendo, sed cum ijs;
qui paci & debitæ Regi obedientiæ o-
mni studio conatuque intercesserint)
omnium calamitatum, quæ Regi & Re-
gno inferentur, culpam in eos solos
conferendam: Me verò ab hac culpa,
non solum sed à mea etiā erga Regem
fide liberum omnino esse, à cuius videt;
licet fama & capite omnem labem &
periculum pro mea quidem partē iam
depello, & in posterum etiam, velit no-
lit, depellere conabor. Quantum au-
tem ad eos attinet, qui istius coniuratio-
nis (quam specioso sacræ vniōis no-
mine tegunt ac velant) nomen adhuc
causamque retinent: Ego illos vt Gali-
los

los Gallus ipse obtestor, atq; ijs etiam
libenter imperarem: id enim pro meo
iure posse videor apud eos, quibus ho-
nor est, mihi cognatione coniunctos
esse, & cuius imperia exequi, ipsorum
etiam Patres in magni beneficij & gra-
tiæ loco, certè scio, posuissent. Quod si
tamen eo modo ijs non imperem, faci-
am saltem, post Regem, vt primus Prin-
ceps & primus Galliæ magistratus si-
bi caueant & consulant: detrimentis
suis & cladibus iam acceptis contenti,
quiescant: priuatas suas rationes pub-
licis posthabeant: animi affectiones ac
dolores, controuersias, vltiones atque
cupiditates honorum, & ambitiones
suas, Galliæ Parentis suæ vtilitati, offi-
cio Regi debito, & nostræ suæq; ipso-
rum tranquillitati condonent. Si se-
cus fecerint, Deus, vt spero, Regis cu-
ram non ita omnem abijciet, quin su-
um illud tam præclarè cœptum opus in
eo perficiat, illique hanc mentem in-
ijciat, vt suos clientes & seruos, ad se
breui arcessat & me in primis qui nul-
lum alium honorificentiorum titulum
appeto. Atque ad eum hanc ob causam
accedens, planè confido, satis me viri-
um & iuris habiturum ad opem illi fe-

rendam, vt factioforum memoriam, è
medio, & totam illorum factionem è
Gallijs faciliùs feciliùsque delere pos-
sit. Postremò cùm in hactam expres-
sa & clara mei consilij institutique te-
stificatione, quod mearum fuit parti-
um, præstiterim: si tum hos, tum illos
animaduervero, vel ita languidos & in-
ertes, vel tam malè erga Regem Re-
gnumque animatos, vt eorum nemo
commoueatut atque ad suum officium
excitetur: Ego Deum actionum mea-
rum, tum præteritarum testem & con-
scium, tum futurarum adiutorem ac
moderatorem appello: atque vt Regi
prorsus addictus & deditus, animo ve-
rè Gallus & primi Franciæ Principis
honore, quo ornatus sum, dignus. De-
um atq; homines obtestor, quanquam
omnes & omnia ad huius regni perni-
ciem coniunctis animis & armis con-
spirauerint, me tamen vnum, etiam
cum certissimo vitæ ipsius, atque adeò
decies mille, si tot mihi à Deo datæ es-
sent, vitarum discrimine, tum perni-
ciem illam à regno depellere, tum im-
piam illam conspirationem restingue-
re conaturum. A q̃ omnes cuiuscun-
que ordinis & conditionis homines qui
quidem

quidem pio hoc patriæ liberandæ ser-
uandæque desiderio tenebuntur, huc
inuito & appello, sperans, si mea con-
silia Deo iuuante successerint, me quã-
tum animi & fortitudinis ad rem susci-
piendam edidero, tantum me fidelita-
tis, post rei euentum, habiturum: Cùm
scilicet meam Regi obedientiam. Pa-
trix officium, mihi ipsi tranquillita-
tem & lætitiā vnā cum bonorum o-
mnium libertate reddidero. Cæterum
tantisper dū Dei beneficio Regi sum-
mo meo Principi licuerit Regni sui ne-
gotijs prouidere, atq; pacem, quæ tan-
topere est necessaria, restituere: Ego
qui hanc dignitatem sum consequutus
vt primas sub illius imperio teneam,
profiteor ac prædico, si illi absenti non
possum tam egregiam operam nauare,
vt eum toti suo Regno ac pristinæ di-
gnitati planè restituam, saltem me ali-
qua ex parte effecturum in ijs locis in
quibus autoritate & viribus plus va-
leo, vt illius dignitas atq; autoritas a-
gnoscat. Et quidem ea potissimum
gratia omnes cuiuslibet ordinis, con-
ditionis, & religionis, tum nobiles, tum
oppidanos, eosque seu Ecclesiasticos
seu plebeios, qui in tam præclaro qui-

dem, necessarioq; facinorè efficiendo,
suam voluntatem & operam ad meam
aggregare atq; accommodare volent,
in meam fidem clientelamq; recipio :
nequaquam passurus, illorum siue cor-
poribus, siue fortunis, vllam omnino
iniuriam vel minimam fieri, aliterue
cum ijs agi, quàm in placidissima pace
& ex Regni constitutionibus patrijsq;
institutis agi consuevit. Quanquàm au-
tem ego præ cæteris omnibus cum a-
cerbissimo animi sensu & dolore tan-
tas in Religione cōtrouersias videam,
ipseq; aliorum omnium præcipuè vnus
remedia exoptem, agnoscens tamèn ea
non ab armis & violentia, sed à Deo v-
no & expetenda & expectanda esse: a-
pud eum palamq; testificor, & ad hanc
testificationem confirmandam ac sanc-
ciendam ego meã fidem & dignitatem
(quas diuina gratia integras hætenus
& illibatas conseruaui) pro pignore vo-
bis trado, quemadmodum non sum an-
tea passus vllis me artibus aut viribus,
ad aliam ab ea, quam huc sum vsq; am-
plexus Religionem adigi: si ceteram nec
perpeffurum nec permissurū vnquam
vt Catholici præter volūtatem in Dei
ultu quidquàm admittere vel Religio-
nem

nem suā minus liberè exercere cōgan-
tur. Hoc præterea edicò acpro certo
polliceor, nec consensurum, nec con-
cessurum me in ijs vrbibus quæ consi-
liorum & studiorū societate coniunctæ
mecum fuerint atq; cōsenserint, quæ-
que regix ac meæ voluntati morigeras
se præbuerint, vt quidquā prorsus im-
mutetur, nec in politico statu nec in Ec-
clesiastico ritu, nisi quaten^o priuata v-
nius cuiusq; libertas publica; trāquil-
litas & salus id requirere videbantur.
Recipiens iterum in meam tutelam &
præsidium, tum Catholicos ipsos, tum
Catholicorum & Ecclesiasticorum ma-
ximè facultates, quippe à multis annis
edoctus, & quod maius est expertus, Po-
pulos opinionū varietatibus distractos
in pristinam concordiam, & ad eandem
colendi Dei stabiliendæq; in vno im-
perio pietatis, rationem reducendi, vi-
am hanc vnicam esse & veram, nempe
lenitatem, pacem, optimaq; pietatis &
iustitiæ exempla: non autem bellum,
violentiam, perturbationem vitæ &
rerum omnium confusionem, vnde o-
mnia vitiorum, flagitiorum & calami-
tatum genera consequantur.

Castelleraldi quarto die Martij, 1589.

*DECLARATIO RE-
GIS NAVARRAEI, CVM LIGE-
rim flumen traiceret, Regi operam
studiumque naua-
turus.*

HENRICVS Dei gratia Rex Nauar-
ræ, ijs omnibus, qui hæc lecturi
sunt, salutem. Cum summo & singu-
lari Dei Opt. Max. beneficio dignita-
tis hoc simus consecuti, vt nati fueri-
mus primus Regij sanguinis princeps,
primusque Franciæ patricius, quem
natura ipsa ad Regem suum defenden-
dum docet ac instruit: quem etiam &
Lex & fides, religioque officij ad Re-
gni huius statum conseruandum ob-
stringunt: cùmque sit ipso rerum e-
uentu & experientia vnicuique planè
perspectum & exploratum, factiosos i-
stos, quocunque tandem fidei & Reli-
gionis nomine facta sua tegant, nihil
aliud quàm Regis & caput & coronam
spectare: nihil item aliud quàm huius
imperij dissipationem atque vsurpa-
tionem machinari, vnde non potest
non consequi rerum diuinarum at-
que humanarum confusio, omnis or-
dinis, politix & iudiciorum euer-
sio

extre-

E.
GE.
extrema, & singulorum & vniuerso-
rum huius regni bonorum ciuium ca-
lamitas ac pernicies, quantam omnes
animopropiciunt, & tacita pietate de-
plorant, atq; iamadeò plerique in suis
bonis, vita, honoribus ac libertatibus
reipsa sentiunt.

Nos idcirco à Deo, natura & Lege
ad rem tantopere necessariam inuitati
ac perpulsi omnino decreuimus, vi-
tam, opes, & facultates omnes adhibe-
re, ad autoritatis, Regiæ restitutionem
ad huius Regni instaurationem, ad bo-
bonum illius incolarum ac ciuium
(quantum quidem animo conñiti,
quantum labore contendere, quan-
tum opinionibus & viribus nostris
consequi poterimus) conseruationem
liberationemque aduersus eos o-
mnes, qui tam apertè Regis ipsius san-
guinem & vitam petiuerunt, qui de
Regni vsurpatione cogitare conspira-
reque ausi fuerunt, quique tot tamque
verè miseros & miserandos populos,
quos Deus sacrosanctis huius imperij
legibus, à tam multis seculis pro sua
benignitate coniunxerat & seruaue-
rat, ad vniuersam pæneque inuitabi-
lem perniciem & exitium adduxerunt.

Pro fitemur nos in hostium numero
nec habere iam, nec habere in poste-
rum velle, nisi eos tantum vnos, qui
suis conatibus & effectis ipsi sese Re-
gni huius hostes palam ostenderunt :
qui quantum animis quidem & armis
efficere potuerunt, Regis summi Ma-
gistratus à Deo constituti, & genti Gal-
licæ antea consecrati nomen extinxe-
runt atque delêrunt; qui Senatus Cu-
riasque supremas exauctorarunt, o-
mnique in dicendis sententijs, ac mo-
deranda Reipublicæ libertate, digni-
tateque spoliarunt, eò furoris ac insa-
niæ abrepti, vt præcipuos & clarissi-
mos ei⁹ ordinis viros crudelissimè tru-
cidarint, quorum dignitatem & salu-
tem siue ob amplissima, quibus perfun-
ctierant, munera, siue ob maxima, qui-
bus Remp. affecerant merita, ne ipsi
quidem latrones, Barbari & immanis-
simi quique humani generis hostes ap-
petere voluissent : quique huius regni
sigilla, sancta illa & augusta iurisdic-
tionis summæ instrumenta perfrege-
runt ac consciderunt, tanquam iusti-
tiam ipsam, quantum quidem in se est,
violantes, & ex re sacratissima profa-
nam facientes: qui denique omnia ita
per-

permiscuerunt ac perturbarunt, ut
in his omnibus locis in quibus domi-
nantur, rerumque ex animi sententia
potiuntur, nihil aliud vigere, & lo-
cum habere videatur, nisi direptio, cæ-
des, furor, insolentia, populorum va-
stitas, urbium cadauera, luctus & la-
mentatio, in omnibus familiis incen-
dium, & exitialis omnibus in rebus la-
bes & horror.

Istis autem, iusta hæc arma iustè op-
ponimus: Illis ipsis bellum infestum
indicimus, & aduersus eos, inuitamus
& obtestamur veros omnes Francos;
Regi fideles, patriæ suæ amantes, & o-
ptimarum legum studiosos, ut suis tum
votis, tum armis præsto nobis sint. Qui
planè persuasum certumque habemus,
Deum nobis propitium fore, atque pro
sua bonitate summa, ut nos imperio
& auctoritate Regis instructi, merita
eos debitaque pœna multemus, futu-
rum: nec non tot mala, falsa bonorum
specie patrata, tot etiam sacrilegia at-
que impietates, sacro pietatis ac iusti-
tiæ nomine admissas, non diutius inul-
tas impunitasque laturum.

Veruntamen quanquam minimè
dubitamus, quin multi se in horrenda

hæc flagitia induerint, alij furore præ-
cipites acti, nonnulli iusto metu victi,
plerique verò malis factiosorum arti-
bus potius subornati, quàm propria
malitia perfidiaque impulsî (hoc enim
animû nostrû inducere non possumus,
Francos nostros à perenni illacô testa-
taq; virtute maiorû ita turpiter dege-
nerasse, vt consultò & cogitatò fidem
suo Principi debitâ, hoc est, hæredita-
tē patrimoniumq; paternû eiurare ac
nefariè prodere velint.) Nos ideò pro
eo, quo tenemur innocentes à nocen-
tibus quoad fieri poterit secernendi &
gladio iusto ac legitimo (quem Deus
nobis tradidit ad officium Regi sum-
mo nostro Principi præstandum, eiusq;
• subditos tutandum cum summa animi
moderatione & æquitate) vtendi desi-
derio; testificamur ac denunciamus
omnibus prouinciis, vrbibus, ciuitati-
bus eodem inter se iure & comuni-
tate sociatis, Ecclesiasticis, Nobilibus,
Magistratibus, Ducibus, militaribus
viris, ciuibus, oppidanis, aliisq; oïbus,
cuiuscunq; gradus, personæ & condi-
tionis hominibus, vt à nefaria ista ho-
stium qui hoc imperiû ita diuexant &
exagitant, societate se quamprimû se-
gre-

gregent, summaverò cōsensione, piaq;
conspiratione Regiæ maiestati cedant
ipsiusq; fascibus se submittant, & suæ
fidelitatis, veriq; ac perpetui obsequij
fidem illi certissimam faciant. Illos e-
nim (si præsertim hac de re nos rectè &
tempestiuè certiores fecerint) tum de-
mū diligenter conseruabimus pro ea
quam à Rege consecuti sumus, & quam
ad illius voluntatē ac nutum omnino
conuertere & accōmodare studeimus,
authoritate. Quòd si nihilominus hoc
aspernati, aut pertinaces aut negli-
gentes se præbuerint, quæ ipsis mala
& clades armorum violentiā importa-
buntur earū oīum causam inuidiamq;
à nobis detestamur ac deprecamur, eā-
que in ipsos meritissimò transferimus:
dignissimos certè, qui in iustissime pœ-
næ societate cum illis veniant, quorū
iniustitiam & violentiam, aut consen-
sione aut dissimulatione cōprobarunt
& confirmarunt.

Proinde fidorū Regis subditorū &
illius obsequio addictorū, necnon eo-
rum qui se illi reconciliabunt, & qui
ad eius authoritatem maiestatemque
defendam, cum ipso vtiantea cō-
spirabunt, omnium absque vlla perso-
narum

narum vel acceptione vel exceptione, opes, vitam, dignitatem, libertatē, religionem & liberum Dei cultū conseruare statuimus: Ac speciatim Ecclesiasticorum, quorum eō maiorem curam suscipere volumus, quò grauioribus, & frequentioribus belli iniuriis, vt plurimum expositi sunt: Ita tamen, vt meminerint pacem & concordiam colere, & in suis se finibus modeste continere: cū eorum contrā nonnulli & maximo sanè cum suæ professionis probro, harum se turbarum ac discordiarum faces & instrumenta præbuerint.

Eoque nominatim hoc interdici-
mus iis omnibus, qui in castris nostris
merent, & in persequendis hostibus
nobiscum faciunt, nequid audeant &
aggrediantur aduersus fideles Regis
subditos ac seruos, aliosque, qui, vt
modò dictum est, cum eo in gratiam
redierunt, suaque studia & arma con-
iunxerunt, cuiuscunque sint sortis &
conditionis. Ac præcipuè aduersus
Ecclesiasticos, & loca sacris eorum fa-
ciendis destinata, in quibus vetamus
yllam iis moram impedimentumue
inferre. Qui secus fecerit, & hoc man-
datum

datum temerè violauerit , is sciat se
grauissimas suæ temeritatis pœnas
daturum, pro rei quidem natura & dis-
ciplinæ militaris à nobis constitutæ
seueritate. Sicuti quoque summo stu-
dio præcipimus , & pro nostro etiam
iure imperamus nostris Legatis, Gu-
bernatoribus & aliis denique omni-
bus, qui alicui oneri atque officio præ-
sunt, vt in sua quisq; Prouincia ac mu-
nere in eam rem, quam mandamus,
diligentissimè incumbant, ea lege atq;
omine, vt ductores & ordinum Præfe-
cti, siquid ipsorum aut incuria, aut dis-
simulantia perperam acciderit , cul-
pam ipsi omnem præstaturi sint.

Et tamen nihilominus omnes fide-
les Regi summo nostro Principi sub-
ditos ac seruos, quocunque loco &
conditioni sint, & qui (nuntio nefariæ
isti coniurationi remisso) Regis nunc
partes sequuntur, vt dictum est, com-
monefacimus, quò probi ab improbis
faciliùs secernantur, & malis occur-
ratur, quæ negotio longè minori tan-
tùm cogitata præpediuntur, quam
iàm admissa resarciuntur, vt se in fi-
dem & clientelam nostram maturè
conferant, itemque nostrorum Lega-
torum,

torum, Rectorum atque Magistratuū,
quorum autoritate & opera sibi cō-
sulatur, & ab omni damno atque peri-
culo caueatur: acceptis libellis fidei
pub. testibus, com meatibus, & aliis e-
iusmodi ad securitatem præstandam
necessariis diplomatibus. Ita tamen,
vt Regis ac illius Legatorum, aut alio-
rum quorumlibet, qui Regis nomine
cum imperio sunt, diplomata ab hu-
ius edicti die concessa, inuiolatè ob-
seruentur ac præstentur: Pœna certissi-
ma & grauissima ex nostris decretis &
constitutionibus in eos sancita, qui ea
infregerint.

Hic omnes huius Regni ordines ro-
gamus vt sibi ante oculos ponant,
quantò nunc deteriore conditione
fuerint, & in posterū magis magisque
futuri sint, tum priuatim, tum publicè
existarum turbarum ac confusionum
diuturnitate. Ac primū Ecclesiastici
considerent in armis pietatem extin-
guifunditusque deleri, Dei nomen ac
numen horrendis blasphemiiis pollui,
Religionem omnem iacere: quòd v-
nusquisque in eam iam impietatis &
iniustitiæ consuetudinem venerit, vt
nihil vereatur sacrum fidei nomen lu-
dibrio,

dibrio, & contemptui habere, cùm videt clarissimos & summos quosque viros insignes illas suas, & omnium quæ vnquam aut fuerunt aut futuræ sunt, maximè execrandas ac detestabiles infidelitates, fidei simulatione velare solere.

Nobiles etiã animaduertant, quàm graui casu collapsus, quantoque opere debilitatus suus ordo fuerit, exiguo admodum temporis spatio: quum arma illorum fidei potestatique commissa, quippe aut hæreditaria nobilitatis insignia, aut virtutis certè præmia, præcontemptione cõculcata, in luto quodammodo volutantur, atque vilissimæ & insanæ plebeculæ traduntur, quæ ex tanta libertate in licentiam, ex licentia in effusam in omni insolentia ac petulantia (nulla prorsus, vt videre licet, nec meritorum nec personarum habitatione) libidinem tandem euasura est.

Tum iudiciorum præfecti, totoque Iurisconsultorum, & magistratuum collegia diligenter expendant quot quantaque latrocinia per boni Publ.
spe-

speciem & quasi ianuam in hoc regnum irreperint adeoque irruperint: cum in nobilissimam illam patriciorum Franciæ classẽ (in qua illustrissimi quique pro ea, qua iustitiam, cuius illic sacrum domicilium est, reuerentur & colunt, obseruantia gladios quibus succincti sunt, vltro deponere solent) quum in eum, inquam, sacrosanctum locum furiosus quidam rabula armatus & viginti nebulonibus, sicariisq; stipatus irruit, supremæ Francorum Curiaẽ iugulo gladium intonat, eamq; captiuam per triumphum ducens in carcerem Parisinum (quem vulgò Bastidem vocant) includit: cum primus Curiaẽ præses, vt suæ Religionis studiosissimus ac tenacissimus, si quis vnquam fuisse dicitur, sic & contrariae certus atque acerrimus aduersarius, morte immanissima Tolosæ mactatur, omni crudelitate laceratur, rapitur, suspenditur, idque nefaria Episcopi cuiusdam & sceleratissima coniuratione. Ecquam verò hæreseos vel speciem vel suspicionem quantumvis minimam vnquam dedisse visus est! O immanissima & fœdissima furoris, crudelitatis & barbariei monstra!

stra! quæ adeò supereſſe diu admodum
nō poſſunt, niſi fortasſe memoria quadā
huic noſtræ tum ætati, tum nationi (quæ
coſtulit & aluit, atque etiamnum &
fert & alit) probroſa, necnon, quocun-
que loci perueniat, execranda & dete-
ſtabili.

Tertij autem ordinis homines, qui
ex hoc ſaltem incommodo ſibi aliquid
commodi comparare debuerunt, cogi-
tent an vectigalibus & collationibus
aliquatenus ſubleuentur, an à militum
libidine & contumelioſa inſolentiā
vexationēque liberentur: num ſuæ of-
ficinæ in oppidis, aut villæ in agris cō-
modiūs ſe habeant, utrū pecuniā pu-
blica prudentiūs & frugaliūs quā an-
tea vel condatur, vel promatur. Sed
contrā annon acerbisſimæ & grāuiſſi-
mæ, tum pecuniarum, tum operum pu-
blicorum exactiones duplo augean-
tur: nonne in ædium ipſarum foribus
grāmen præ ſolitudine & vaſtitate na-
ſcatur & creſcāt, annon etiam pro vno
ærarij depeculatore tres iam illud to-
tum exhauriant & effundant. Niſi for-
taſſe frugalitas appelletur ac paſſimo-
nia, clarisſimarum ac potentiſſimarum

E

domo

domorum baiulis (perditissimæ ac infimæ populi fæci) permixta direptio: vt. & iniquissimæ bonorum virorum vexationes & expilationes, qui in calamitate & confusione rerum tanta vehementer ingemiscunt & acerbissimè affliguntur. Quæ sanè calamitas ad breue omninò exiguumque tempus duratura videtur: indeque hoc consecuturum, vt vulgus, ædum illorū quos Politicos nominant direptioni, infectis animis & manibus assuefactum, atque (non aliter quàm lupi stragi, & cadaueribus) auidissimè inhians, deficiente iam præda, crudelissimè ac promiscuè in clarissimorum ac potentissimorum quorumque pecunias inuadat.

Meminerint præterea vrbes, quæ se ad coniuratorum factionem adiunxerunt, in quo antea statu essent, & in quo sint hodie. Quis enim commercium in sylvarum recessibus quæret? Quis iustitiæ iurisque fidem in Bastidis illius ergastulis? Quis doctrinæ & humanitatis studia, vbi mera barbaries, & omnes & omnia occupat? Et tamen hæ sunt veræ & præcipuæ ratio-

rationes , quibus vrbes splendorem ,
frequentiam opulentiamque tantam
adeptæ sunt : quibus etiam solis hac
incolumia ac salua diutissimè retine-
ri possunt. Hodie est hæresis Politi-
cum virum esse. Ita Politia illa , per
quam maximè vnam vrbes floue-
rant & viguerant , tota nunc ia-
cet. Cras verò nefarium & capita-
le facinus erit , diuitem esse. Cate-
rum si præsidia vrbibus imponantur ,
earum libertas perit. Cuius tamen
nominis suauitas & quasi titillatio
eas oppressit ac perdidit. At si præsi-
dijs sint destitutæ , prædæ igitur expo-
sitæ sunt : excubijs quidem & custo-
dijs obrutæ atque oppressæ , male ta-
men custoditæ : ita vt singulis panè
momentis hostium insidijs & iniu-
rijs pateant. Ecce autem præclara illo-
rum libertatis imago , ipsis est serui-
tus & carcer. In agris verò si malum
hoc diuturnum sit nihil melior con-
ditio futura est. Neque enim Rex
pati vnquam potest à suis se subdi-
ris dignitatis suæ gradu deturbari.
Acerbitas acerbitati opponenda e-
rit : & vis vi repellenda. Seditiofo-
rum effrænata licentia, contumeliam,

& immoderata libidinum atque iniuriarum intemperat̃ia iniurias alias necessariò arcessent atque attrahent aduersus iniquam externi hostis vsurpationem ab externis auxilijs: Aduersus Hispanorum consilia & factiones, à Germanorum & Heluetiorum copijs succurrendum Regi erit. Agri nostri syluescent, vernaeta verò desolabuntur. Et hoc quidem malum rustico & oppidano commune: malum Nobili itemq; Ecclesiastico commune: malum, quòd nobis tum latrocinia in agris, tū furores in vrbibus duplicabit. Tunc verò væ tantarum calamitatum autoribus, væ etiam tantarum miseriarum fautoribus & adiutoribus.

Namque in eos populus istum furorem conuertet: atq; ipsorum sanguine tum suæ culpæ liberationem erratq; veniam, tum suum otium & suam etiam vitam redimet. Atq; scelerum tantorum principes, & architecti suo tandem malo experientur, quanti momenti quantiq; periculi sit Regi sceptrum & Magistratui gladium eripere, quo populus armetur, & infinita intolerandaque licentia comprobetur.

En ceintant certè de suo folio Re-

gem exturbasse, & eius quidem disces-
su vacuum illud fecerunt. Sed respon-
deant, quæso, bona fide, cui tandem lo-
cum istum assignent: Ducine Mayen-
nensi? Quotus verò quisq; Principum
Christianorum existet, qui eiusmodi
facinori, nō reclamet atq; intercedat.
Qui hoc exemplo iniuriam sibi quoq;
factam non sentiat? è nostra verò No-
bilitate quot familiæ reperientur, quæ
ne Lotharingæ quidem parère vn-
quam volent? ne dum illi se subijcere,
qui & naturæ ordine, & successionis
gradu postremum fere locum tenet in
Lotharingia gente, quæ nihil habet il-
lustrius & insignius, quam quod am-
plissima & clarissima Regum nostro-
rum & vicinorum Principum affinita-
te decorantur. Qui quidem ex Gallica
illa Nobilitate istos Regni captatores,
vel hoc vno superant, quòd & Franci
nati sint, & Francium ingenium atque
animum constantissimè retinuerint.
Quàm graue sibi, quàm durum atque
acerbum ducerent, tam vili & imbecil-
lo iugo ceruices suas submittere? quàm
turpe etiam & magnum existimarent,
vitam suam, & dignitatem nouorum
istorum hominum libidini subijcere,

quos sibi natura adæquauit , quorum
dignitas & Nobilitatis insignia ex **Lege**
Gallica æquo & pari cum cæteris No-
bilibus iure continentur : quos etiam
DEVS ipse nulla re cæteris potiores
aut præstantiores effecit , nisi quate-
nus istorum audaciæ & arrogantia e-
os obiecit & subiecit ? Quot aut gene-
ris Borbonij Principes prosterne-
di ijs sunt acconfodiendi , priusquam eò
perueniant , quò volunt , Principes ,
inquam , & iure , & animo , & gratia
atque autoritate aduersus fictam i-
stam vsurpationis Chimæram armati ,
pro quorum salute Nobilitas illa su-
um sanguinem profundet. Nobilitas
verò , quæ in eiusmodi rerum muta-
tione , vnà cum Monarchia ipsa sepul-
ta semper fuisse visa est. Nobilitas cu-
ius dignitas & honos , cum summa il-
la Regum nostrorum & dignitate &
honore coniunctus est : quæ denique
suum illum altiorem dignitatis gra-
dum , à Deo adeptum in vulgus obti-
nere non potest , cum videbit summum
suum Principem , à quo gladium , No-
bilitatis insigne , accepit , de suo ipsi-
us gradu deiectum esse. Taceant hîc
omnes , & factiosis istis per nos liceat ,
quic-

quicquid animò libitum fuerit eun-
ctanter & pro arbitrio agere. Si vo-
lunt suæ vsurpationis fundamentum
ex ficta illa & animis suis concepta a-
roli Magni successione arcescere at-
que confirmare: quo tandem pacto in-
ter eos & Lotharingæ Ducem, illius-
que liberos conueniet? Et vt illi de
suo iure decedere vltro velint, quo-
modo inter eos & stirpem Vaudemon-
tanam? Quòd si coronam Regiam de-
beri putant, meritis, laboribus ac
virtutibus, hoc est, vt veredicam quod
res est, nefarijs consilijs & impijs fa-
ctionibus defuncti Guisij Ducis: qui
fit igitur, vt illius hæredem suo iure
fraudent? Tum cui nam dubium esse
potest, quin ceteri omnes ex Lotha-
ringia stirpe oriundi, Regni partem
sibi quoque aliquam vendicent? Hoc
verò quid aliud est, quam totum Re-
gni corpus lacerare, & singula illi-
us membra inter se partire ac diui-
dere.

FRANCI, fingite hîc animo
& cogitatione futuræ vestræ condi-
tionis imaginem. Hæ rerum tan-
tarum ab vno extremo ad alterum
mutationes, rarò vnquam fieri solent

absque violentissima euerfione. Euerfio autem illius domus, in qua habitamus, fieri non potest, quin eius ruina obruamur. Corpus nostrum non antè in vermes & serpentes abit, quàm mors præcesserit. Illi etiam serpentes ex huius Regni corpore; nec enasci nec erumpere possunt, quin illud sit prius resolutum, corruptum ac putrefactum: quin nos omnes, qui in eo tantùm vivimus, & vigemus illius quoque casum & interitum sentiamus. Facile quidem est, cui libet sceptrum appetere: facile quoque plebi commotæ, & malè in Principem suum animatæ, rebus novis studere. At inter ambitiosam cupiditatem & illius effectum, inter vestras adeò præcipientes iracundias, & vestram, quam meditamini, ultionem ita longinquam, quot dimicationes, & prælia, quot cædes, direptiones, calamitatesque intercedent? Ne secula quidem ipsa huic dirimendæ controuersie sufficient: filius patris locum occupabit, & frater fratris: ita maximam rerum confusionem apud posteritatem perpetuaueritis; quæ idcirco vestros furores, vestram etiam

iam memoriam meritò execrabitur.

Quantò verò vobis esset opportunius pacis beneficio, modum aliquem & finem tot calamitatibus facere? Pacis, quæ ex tam tetra & caliginoso Chao, in quod ipsi vos demersistis, in lucem vos reuocaret: Quæ vos ipsos vestro ingenio, mentiq; pristina restitueret: quæ vos ab illis, quibus animi vestri noctesque diesq; tantopere sollicitantur, anxietatibus liberaret; ab isto etiam in quem vos coniecistis, curarum & miseriarum Labyrintho eriperet: ex quo quidem satis ipsi animo cernitis, vos non posse vnquam emergere, & cuius interim exitum nullum videtis. Pacis, inquam, quæ vnumquemque, in ijs quæ cara habet reponeret: quæ agricolæ suum aratrum: opifici suam officinam, mercatori suum commercium, agris securitatem, vrbibus Politiam, omnibus citra discrimen rectam iustitiam redderet. Pacis etiam, quæ paternum Regis amorem vobis compararet, illi verò quam deberis & obedientiam & fidelitatem præstaret. Pacis, vt verborum complectamur, quæ huic Regno, &

animam & corpus suum restitueret:
Corpus quidem, quod à sui in mille
partes per istos ambitiosos laceratio-
ne, non longè abesse videtur: Animam
verò (præclaram illam Politiâ dico,
qua Regnum hætenus conseruatum
est) quæ à summo gradu adimum vs-
que tota in cōfusionem maximam præ-
cepit ruit.

His omnibus consideratis, atq; vno
quoque secum attentissimè cogitante
malum, siue quod ipse sibi creat, siue
in quod in tanta rerum confusione in-
currat necesse est; Confidimus eos,
qui in suo erga Regem officio persti-
terunt, studio & beneuolentia duplo
etiam maiori suam illi aduersus hostes
operam in posterum nauaturos. Eos
verò qui nimis creduli & improuidi
ad coniuratorum cōsilia & causam se-
se applicarunt, sui ipsius exitij admi-
nistros minimè futuros, huius Regni
arcem funditus in sua capita subruen-
tes: sed potius à causa tam iniqua desti-
tuos, confugientes ad Regis clemen-
tiam, quam semper patētem, atq; adeò
præsentem ijs habet, qui omni officij
& obsequij genere, illius animum sibi
conciliare studebunt.

Quod

Quòd verò ad eos attinet, qui obsti-
nato animo, Regi, Regno & sibi etiam
ipsis infesti esse pergent, vt Dei indi-
gnationem, atq; hominum odium sibi
meritissimò cōflabunt: sic est quod pro-
certo habeant, sibi à Deo insignem ali-
quam calamitatem & grauissimam pœ-
nam suis flagitijs debitam, impendêre:
Quam, vtinam Deus pro sua singulari
bonitate pertinacibus istis citissimè
maturet, vt eò citiùs, à tot malis & mi-
serijs liberemur, atq; tam multi, tam-
que ærumnosi populi suis miserijs &
calamitatibus leuati, commodis & otio
aliquo perfruantur.

Nos autem verè proſitemur, nulla
omnino ambitione fuisse ad arma im-
pulsos. Satis hætenus comprobau-
mus, eâ nos minimè omnium duci. Sa-
tis quoq; dignitatis & ornamenti con-
secuti videmur, qui hoc simus, quod
sumus. Et huius Regni splendor ac
decus perire non potest, quin ipsi
quoque vnà cum eo pereamus. Nec
vindictæ etiam cupiditas (vt Deus
ipse nobis testis est) nos vel tantil-
lum mouet. Nemo homo plures &
grauiores iniurias, quàm nos, acce-
pit. Nemo hætenus eas minùs est
perſe-

persequutus. Nemoque omnium eas ipsas hostibus, si modò resipiscere velint: sin minùs, Franciæ tranquillitati, paci que libentius & liberaliùs condonabit.

Quod me graùiter afflìcat, quodq; sine lacrymis, nec videre, nec præuidere possum: hoc vnum est maximè quòd huius regni status in eum iam locum deductus sit, vt illius malum ita inueteratum, ita etiam obfirmatum, absq; malis sanari non possit. Et ab ijs quidem malis contra vulnus ipsum, & eos qui illud inflixerunt testificamur. Qui plagam eiusmodi nobis imposuit, ille ipse tum ferri & cauterij, tum incisionum ac dolorum, qui ab ijs inferuntur, reus esse planè videtur.

Sed ne plura: hoc vnum confirmamus, quod & testatum apud omnes relinquetur, nos optimi Chirurgi, qui ægrotum quidem amat, curā fidemq; quantam maximam poterimus, ad id mali adhibituos. Hostes contrà, qui his tantis malis delectātur ac pascuntur, præter ferrum, adhibebunt etiam odium & dolum: quippe qui nulla re excusari possint, præterquam ambitione &

ne & huius Regni potiundi cupiditate: quam etiā ipsam explere omnino non possint, nisi vniuerso Regni ipsius interitu: Interitu verò, quem nos ab hoc Regno cū nostris opibus omnibus, tum vitā adeò ipsa libentissimè redimemus. Quin potius (vt Dei, Regum, atque Regnorum patroni benignitate confisi, certò futurum speramus) iterum & intra paucos dies in laborum nostrorum præmiū fructumq; amplissimum, Regem in debitam & vnā cum ipso natam auctoritatem, Regnum etiam ipsum in pristinum florem ac splendorem restitutum videbimus: quod ad Dei gloriam, ad verorum Gallorum gaudium lætitiāque, ad tot tamque calamitosorum populorum consolationem, deniq; ad eorum ipsorum, qui Regni totius exitium appetunt, summum animi dolorem redundabit.

Quæ cū ita sint, omnes summas Iurisdictionis Curias, Gubernatere, Legatos, prouinciarum Præfectos, Seneschalos, aliosque Regiæ Maiestatis Magistratus & administratos rogamus, vt in sua quisque ditione, & pro suo quisq; munere, toto animo, ope atq; operâ

operâ nobiscum contendant, & eni-
tantur, ad nostrum hoc propositum,
susceptumque consilium iuuandum,
& quoad fieri poterit perficiendum,
quò Regis dignitati, amplitudini &
rationibus consulatur, caueatur. Ea
est enim nostra potissima cogitatio,
cura & voluntas.

Salmurij 21. Aprilis 1589.



REGIS

REGIS NAVARRÆ

SVPER INDVCIARVM INTER

Franciæ Regem, & ipsum Nauarræum

Regem Salmurij pactarum sc-

dere declaratio anno

1589.



Enricus Dei gratia Rex Na-
uarræ, Primus Regij sangui-
nis Princeps, Primus Fran-
ciæ Patricius, & Gallicarum

Ecclesiarum quæ puriorem Religio-
nem profitentur, patronus ac vindex,
omnibus Prouinciarū Rectoribus, vr-
bium, castellorum & arcium Præfe-
ctis, copiarum ductoribus ac modera-
toribus, Ciuitatum Primarijs, Cōss. ac
Iuratis viris, denique cæteris, tum Re-
gis summi nostri Principis, tum alio-
rum, quorum id interest, & qui sunt in
nostra potestate, & clientela, Iudici-
bus ac Magistratibus salutem. Cū
sit vnicuique penitus perspectum pla-
neque cognitum, nos in hoc misero, &
calamitoso bello, neque arma cepisse,
neque ea capta tenuisse, nisi quatenus
summā nos eò adegerit necessitas: nec-
non actionibus nostris omnibus, sa-
tis testati simus, quanto nobis dolori
esset

esset hostium huius Regni scelere, nos
armis hisce irretitos & implicatos te-
neri: contrà, quanta esset nobis cupidi-
tas & studium defendendæ Regiæ Ma-
iestatis ab illius hostibus: ad suam illi
authoritatem, bonis autem ciuibus o-
tium & tranquillitatem pristinam re-
stituendam: interim tamen fuerit ea
temporum nostrorū iniquitas, vt cōsi-
lia nostra licet optima, permultis & ca-
lumniosis artificijs adulterata atq; de-
torta: hostium autem praua voluntas
prætextis speciosis, & ad sui commen-
dationem, animorumque conciliatio-
nem maximè appositis tecta velataque
fuerit: vsque adeò sanè, vt regnum no-
strum ab extremo interitu & exitio
non longè abfuisse visum sit, nisi Rex
pro sua singulari prudētia, quanquam
infinitis impedimentis oppugnata &
interrupta, nostram innocentiam ad-
uersariorum calumnia & peruersitate
inuolutam extricasset, atque inuete-
ratam eorum malitiam per medios eo-
rum fucos & eumentitos colores per-
spexisset. Et quidem plerisque hoc o-
mnibus iam liquidò constat hos ciui-
les motus Religionis simulatione ac
nomine velatos, regnandi nihilomi-
hūis

nus libidine concitatos fuisse: eorum
item autores nec petiisse, nec inuasisse
eos qui puriorem mecum Religionem
profitentur, sed tum armis, tum auto-
ritate & imperio sibi ad eum maximè
finem dato, fuisse abusos ad huius Re-
gni vrbes, quæ non modò à Religione,
sed ab omni etiàm Religionis suspicio-
ne longissimè absunt, occupandas: E-
andem omnino fidem & Regi & Re-
gnò toti præstant, dum suos conciona-
tores ad eos, quibus hæreseos crimen
notamq; inurunt, à sua illa scilicet hæ-
resi ad verum Dei cultum traducendos
nō modò non adhibuerunt, sed eorum
etià & linguà & òpera vsi sunt ad euer-
sionem huic règno inferendam, tan-
quam incendiariorum quorundam ad
Regnum inflammandum, ad subditos
contra suum Principem subornandos;
ad eos è suorum Magistratuum obedi-
entià auertendos, ad eosdem ad sedi-
tiones atque rerum mutationem moli-
endam impellendos: Deniquè ad res
omnes tum humanas, tum diuinas;
delectu omni & discrimine remoto
confundendas ac perturbandas: vn-
de non sine grauissimo bonorum o-

mnium virorum dolore, in Gallica
gente exarserit incredibilis à Rege
summo nostro Principe defectio, &
ex ea in plerisque vrbibus ac prouin-
cijs tanta confusio, vt inanis illa pie-
tatis, & Iustitiæ vmbra & Imago, soli-
dam & expressam vtriusque effigiem,
nempe Dei timorem ac illius veræ i-
maginis, hoc est, Legitimi & summi
Magistratus, ab eo in rebus dubijs pe-
riculosisque temporibus constituti,
obseruantiam penitus sustulisse ac de-
leuisse videatur. Nos igitur, nostrum
erga Regem summum nostrum Do-
minum, officium agnoscentes, & Re-
gni ipsius vicem populi que calami-
tatem intimis sensibus deplorantes,
ad Regis Maiestatem confugimus, il-
liusque potestati vitam nostram o-
pesque omnes ad retundendam & in-
fringendam hostium violentiam pro
illius salute & dignitate, & suorum o-
mnium fidelium subditorum in inte-
grum restitutione vtrò & summissè
obtulimus: testati, vt nunc etiam te-
stamur, nostra omnia consilia ad il-
lius tantum obsequium & obseruan-
tiam spectare, vt quiuis facile iudica-
re potest. Quòd si nostra fuisset alia
mens

mens, alius animus, occasio certè ea-
que opportunissima miserijs publicis
ad nostram vtilitatem abutendi, nobis
oblata erat,

Rex etiam ideò pro sua humanitate
officiosam hanc nostram voluntatem
tum candidè agnouit, tum libentissi-
mè accepit: necnon, vt faciliùs & com-
modiùs nostra opera vti posset, consti-
tuit hoc tādē, vt hostilibus armis vl-
tro citroque abstineretur, fierentque
Induciæ, ex quibus Deo iuuante, feli-
cissimam pacem consecuturam spera-
mus.

Quamobrem nos grauissimis hisce
causis adducti, omnibus, tum vniuer-
sis tum singulis, qui nostram autori-
tatem, fidemque & clientelam agno-
scitis, quique pro suo quisque munere
& parte in eandem nobiscum causam
incumbitis, vobis edicimus, nos cum
Rege summo nostro Principe ac mo-
deratore de inducijs & infestorum ar-
morum in toto hoc Regno intermis-
sione & egisse & constituisse in an-
num integrum à 3. huius Mensis A-
pril. die, ad eundem eiusdem Mensis
3. & integrum diem. Atque in eo in-
duciarum fœdere Comitatum Auenio-

nensem illiusque subditos, cum in
Regis summi nostri Principis fide &
clientela sint, comprehendere volu-
mus. Ideoque omnibus cuiuscunque
ordinis & sortis hominibus interdici-
mus, nequid moliantur & aggredian-
tur aduersus ea loca, in quibus Regia
Maiestas non solum auctoritatem, sed
etiam imperium in suos tenet: vt nec
aduersus illum ipsum Auenionensem
Comitatum quocunque ingrediemur,
quacunque transibimus, vbicunque
commorabimur, nominatim sanci-
mus & veremus, nequid attentetur
aut suscipiatur contra bonos & fideles
illius subditos & Ecclesiasticos maxi-
me, nec quicquam in consueto Reli-
gionis Catholicæ & Romanæ ritu cul-
tuque nonnetur aut interrumpatur. Vti
etiam, si Dei beneficio dabitur, vt lo-
cum aut urbem aliquam ab hostibus
occupatam vi seu aperta, seu clande-
stina, seu alia quacunque ratione reci-
piamus, nos volumus ac præcipimus,
vt in ijs quæ ad Regis obsequium & ad
eandem Religionem Catholicam &
Romanam nihil illuc immutetur, id-
que omnino secundum ea, de quibus
cum Rege ipso summo nostro Princi-

pe pluribus tranſegimus. Et quemad-
modum ob has maximè cauſas Regi
pro ſua benignitate placitum eſt, Re-
giæ manus in poſſeſſiones noſtras in-
iectione nunc ſoluta, liberam bono-
rum poſſeſſionem concedere tam ijs
omnibus, qui puriorem mecum Reli-
gionem profitentur, quàm alijs qui
ſtant ab hac cauſa, vt facultatibus ſuis
omnibus per totum induciarum tẽm-
pus vtantur, fruantur: ita noſtrũ quo-
que propoſitum hoc eſt, vt omnes Re-
gis ſubditi, ſive Eccleſiaſtici ſive alij
quilibet rebus ſuis liberè & placatè
toto illo fœderis tempore perfruan-
tur, in ijs locis quæ nunc tenemus. Et
hac quidem de re præter has publicas
literas, alias etiam priuatas ad id be-
neficij neceſſarias, conficiendas cura-
bimus, vt illis hac ratione ſatis cauea-
tur. Quamobrem vobis, quorum hoc
maximè refert, atque munus eſt, man-
damus, vt hoc reſcriptum legi, pro-
mulgari, in Curiarum commentarios
referri, denique illius capita, vt hîc
perſcripta præſcripta que ſunt, ſingula
diligenter fideliterq; obſeruari ac præ-
ſtari & quæ his impedimenta inferen-
tur, ea ſedulò ac funditus tolli velitis,

Iubeatis. Ad cuius rei fidem & testi-
ficationem, hisce nostris literis propria
manu obsignatis ex nostro mandato,
in signiorum nostrorum Sigillum ap-
positum fuit. Datum Salmurij 24. A-
pril. Anno Salutis 1589. Atque ita
signatum. HENRICVS. Et paulò
inferius.

A Rege Nauarræ primo Principe,
patricio & Reformatæ Ecclesiæ, vt
suprà dictum est, patrono.

Berziau.



REGIS.

REGIS NAVARRAEI
IN SVA IN REGNV M

Gallicum inauguratione iusiurandum atq; testificatio.

Adhac,

*MVTVM REGII SANGVINIS
Principum & aliorum, veluti Ducum, Patriciorum & Regni Gallici ministrorum ac Magistratuum iusiurandum.*



Os Henricus Dei gratia
Franciæ & Nauarræ Rex,
fide cautioneque Regia nostris omnibus probis ac fidelibus subditis, hisce literis propria manu obsignatis recipimus & iureiurando confirmamus, in nostro hoc Regno Religionem Catholicam, Apostolicam & Romanam, integram, illibatamque conseruatuos, facturosque diligentissimè, ne quid prorsus innouetur aut immutetur, nec in illius Politia & professione, nec in Personis facultatibusque Ecclesiasticis, in earum prouisione & Oeconomia, eorū quidē, quos & idoneos & Catholicos esse constat:

F 4 idque

idque omnino vti antea testati polli-
citi que sumus. Quin & ex illa ipsa de-
claratione, quam nos, priusquā digni-
tatem Regiam essemus adepti, edidi-
mus, paratissimi sumus, hocq; maxi-
mè vnum optamus à legitimo, libero
generalique Concilio edoceri, vt, quic-
quid in eo statuetur ac decernetur, id
ipsum sequamur & obseruemus: quod
etiam eo potissimum consilio intra
sextum mensem, atque citius adeò, si
modo fieri possit, indicendum cogen-
dumq; curabimus. Interim verò nul-
lum aliud Religionis exercitium fiet,
nisi Catholica, Apostolica & Roma-
na, præterquam in ijs locis & vrbibus,
in quibus altera iam instituta & con-
stituta est, secundum eas condiciones,
quæ inter Henricum tertium fato fun-
ctum, felicissimæ memoriæ Regem,
Dominum, fratremq; nostrum hono-
ratiss. & nos ipsos superiore mense A-
prili pactæ latæq; sunt: quoad quidem
pace in vniuerso hoc Regno facta, vi-
sum aliter constitutumq; fuerit in Co-
mirijs & trium ordinum cōuentu, qui
nostro etiam iussu & autoritate intra
præstitutum illud semestre spatium a-
gatur. Adhæc promittimus, quas vr-
bes,

bes, castella & arces, experduellium
manibus eripiemus, & aut armis, aut a-
lia quacunq; ratione in nostram ditio-
nem imperiumque redigemus, has no-
strorum fidelium subditorum & Ca-
tholicorum duntaxat (ceteris omnibus
posthabitis) fidei actutelę commissum
iri: prætereastamen, quæ ex fœderis
illius capitibus a Rege defuncto exce-
pta, & in vnaquaq; prouincia ac præ-
fectura, ijs qui reformatam Religio-
nem profitentur certis conditionibus
in eo comprehensis, destinatae fue-
runt: Nos quoq; hoc pollicemur, quo-
rumcunque Magistratum & Guber-
natorum interregnum alibi erit, quam
in ijs oppidis & arcibus, quæ in Refor-
mata Religionis hominum manibus
sunt, nostra cura & mandato; Catholi-
costantum viros, fideles nobis subdi-
tos, & ad rerum administrationem i-
doneos, in demortuorum locum suc-
cessuros. Præterea profitemur ac pol-
licemur Principibus, Ducibus, Patri-
cijs, Regiæ coronæ administris, Opti-
matibus, Nobilibus, omnibus denique
nullo discrimine habito, nobis fideli-
bus ac morigeris subditis, nos sua bo-
namunera, dignitates, ordines, magi-

stratus, priuilegia, præfecturas, prære-
gatiuas, iura officiaque consueta, facta
rectaq; & integra ipsis conseruatu-
ros: ac nominatim eos, qui fideles defuncti
Regis seruos sese præstiterunt, quo-
cunq; poterimus beneficij præmijque
genere libentissimè & liberalissimè
prosequuturos: Postremò, fretos pro-
borum nobisque fidelium subditorum
ope atq; opera, nostras omnes faculta-
tes & vires, atque, si res ita ferat, vitam
quoque nostram profusuros, vt iustæ
seueritatis exemplum in eos statuatur
& educatur, qui tam nefarium parrici-
dium, atrox facinus & commissoriam
detestandamque perfidiam in defun-
ctum Regem, Principemq; ac modera-
torem nostrum summum patrarunt ac
ediderunt, è castris Sancti lauij 4. Die
Augusti 1589. Signatum.

Henricus

Et Paulò inferiùs

Ruzeus.

FVSIVRANDVM
REGII SANGVINIS PRINCI-
pum atq; aliorum Ducum, Patriciorum
& Francicæ Coronæ ministrorum
Maiestati Regiæ da-
tum.

NOs Regij sanguinis Principes, alijq; Duces & Coronæ Francicæ Ministri, Optimates, Nobiles, cæteri-que subsignati omnes, interim dum Principum, Ducum, Patriciorum & Coronæ ministrorum, atque aliorum Procerum, qui Regi Henrico huius nominis tertio (quem Deus à suis noxis omnibus solutum, pace sempiterna frui velit) illius mortis tempore, fideles se seruos ac subditos præstiterunt, conuentum expectamus: ex ijs quibus Regnum hoc nititur & stat Legibus, (quas vulgò fundamentales vocamus) Franciæ & Nauarræ Regem Henricum, Regem nostrum, naturalemq; ac legitimum Principem agnoscimus: atque, iureiurando, ac promissis, quæ supra scripta sunt, nobis ab illo factis cōfissi, omne illi obsequium atq; obedientiam promittimus, ac spondemus: sub ijs quoque conditionibus, vt intra sex-
tum

tum mensē Maieſtas ipſius eorū-
dem Principum, Ducum, Patriciorum
& Coronæ miniſtrorum, aliorumq; O-
ptimatum, qui Regij obitu tempore,
in ſuo erga cum officio perſiterunt,
conſilium congreget ac conuocet, vt
communi omnes conſilio & conſenſu
de rebus ad huius Regni ſtatum perti-
nentibus ampliùs deliberent atq; cō-
ſultent: Concilij Comitiorumq; gene-
ralium decretis, præſtolando, quemad-
modum id ipſius Regiæ maieſtatis pa-
cto promiſſoq; confirmatur & ſanci-
tur. Cuius etiā bona venia nobis lice-
bit (quod illi perquā ſummiſſe ſup-
plicamus) vt inſignes aliquot viri à no-
bis delecti ad ſanctum noſtrum Patrē,
Romanum Pontificem dimittantur &
ablegentur, apud quem eas, quæ nos ad
hoc promiſſum faciendum potiffimū
impulerūt occaſiones nominatim ſin-
gillatimq; ediſſerāt: ab eoq; impetrēt,
quod tam ad Chriſtianæ Religionis cō-
firmationē ac progreſſionem, & Regiæ
Maieſtatis vtilitatem atq; obſequium
quā ad vſus Regni in priſtino ſuo
illo ſplendore, conſervationē neceſſa-
rium eſſe iudicabimus. Nos etiā ſup-
pliciter & demiſſe hanc ipſam maieſta-
te ob-

te obtestamur, atq; obsecramus, vt quod
ipsa vltro nobis obtulit ac pollicita est:
quippe iustitiæ princeps & communis
omnium suorum subditorum parēs ad
nefariā illud scelus ac execrandā per-
fidiā, & dedita opera patratū defuncti
Regis Henrici optimi nostri Principis
nuper interfecti (cuius manes ad o-
mnem æternitatē solida felicitate di-
uino beneficio perfruantur) homici-
dium quā grauissimē atque acerrimē
poterit, vindicandum incumbat, vnde
ceteri ad tale quid audiendum tardiores
posthac fiant. Quam quidem rem quò
facilius feliciusque perficere, simul &
perduelles atq; eos, qui Regnum hoc v-
surpare, quo iure quaq; iniuria contē-
dunt, eijcere & exterminare possit: nos
eidem Maiestatī quantū poterimus
maximam opem & operam, facultate-
que vniuersas, atque vitam adeo ipsam
pollicemur, è castris Sancti lauij 4. Aug.
1582. Atq; hoc iusiurandum, suo chi-
rographo obsignarunt.

1. Franciscus Borbonius, 2. Henricus Aurelianensis
3. Franciscus Lucēburgius, 4. Ludouicus Rohanus.
5. Bironius, 6. Aumontius,
7. Inteuillæus, 8. Angeineus,
9. R. Angeineus, 10. Castellonæus.

11. Claremontius, itemque alij
Proceres & nobiles per multi.

EPISTOLAE AB HEN-
RICO III. GALLIARVM
Rege ad Montis Belligardi Co-
mitem missæ exemplum.



Posteaquam, Mitognate, mel
aduersarij suas omnes machi-
nas & perfidas adhibuissent,
ut quas molebantur fraudes
ac proditiones, ea suum aliquando exitum
consequerentur: vidissent autem, Deo Opt.
Max. utpote Principum propugnatori ac
iusto infidelitatis subditorum vindici, mea
authoritatis in pristinum statum restituti-
nem nec obscura nec mediocri curæ esse, idq;
cum suo probro & dedecore maximo: illi tan-
dem nullam sibi salutis spem, nisi in mea
morte relictam esse, atq; oportere conspira-
tionem, à se iam pridem constitutam, ad finem
sibi propositum perducere ideoq; nullum non
facinus, quantumuis immane, & barba-
rum, attentare, in animum suum induxe-
runt. Quamobrem meo illo summo in meam
Religionem studio, nec non libero ad me ac-
cessu, & mea, quam non inuitus facio reli-
giosis omnibus miseriisq; Ecclesiasticis, qui
me compellare cupiunt, potestate abusi, atq;
per hanc speciem, tum diuinas leges, tum fi-
dem (quam vel unus Ecclesiastici habitus
atq;

atq; vestitus prae se ferrè debet) violare nihil
veriti, nefaria sua consilia ita efficere cogita-
runt. Ecce enim hoc ipso manè quidam è fa-
milia Dominicana adolescens à Generali meo
Procuratore adductus, literas, ut ipse qui-
dem dicebat, ab Harlao primo in suprema
mea Curia Praeside, egregio & fidelissimo
mihi seruo, & hac maximè gratia Lutetiae
in carcerem dudum coniecto, ad me datu-
rus, atq; aliquid mihi eius nomine dicturus,
in meum cubiculum meo ipsius iussu intro-
ductus est, nullo tum praesente, praeterquam
Belgardio primo meo ex Nobilibus Cubicu-
lario & Generali illo Procuratore. Postquam
verò ille me salutasset, seq; mihi arcani ali-
quid dicere velle simularet, feci ut duo illi
modò nominati viri secederent: tuncq; sce-
leratus iste me cultro percussit, trucidare me
cogitans. At Deus, qui suorum rationem cu-
ramq; habet, per eam reverentiam, qua so-
leo eos complecti, qui illius cultus & obser-
vantia se consecratos esse videri volunt, vi-
tam me amittere non est passus, sed eam mihi
pro singulari sua bonitate à periculo conser-
uavit, sic atq; illius consilium impediuit,
cultri ictum obliquè deflectens, ut ego Dei
beneficio fretus plagam minimè lethalem ar-
bitrer, sed sperem pristinam meam sanita-
tem brevi mihi ab eo restitutum iri. Mihi
sanè

Sanè dubium non est, quin eiusmodi vitam
ita fallacem & insidiosam execrentur &
horreant, uti debent, cum bonis omnes, tum
principes maximè, ob illius iniquitatem sum-
mam, & perniciosum etiam exemplum. Et
quoniam te in ceteris omnibus optimi pro-
pinqui, verig, amici loco habeo; factu opti-
mum iudicavi eo de casu te admonere; per-
suasum hoc habens, te, ut & facinus eiusmodi,
& eos quibus autoribus illud commissum
est, vituperabu, sic vehementer gauisurum,
cum mea salutis spem ex his intellexeris: Ita
enim Deo dante breui futurum spero, quem
rogo ut te, cognate mi, saluum & incolumen
conseruet, è castris Sancti clauij, primo Die Au-
gusti 1589. Signatum. Henricus: Et Pau-
lò inferius; Ruzeus.

LITERARVM REGIS
NAVARRAE CVM SVPE-
rioribus ad Montis Belligardi Co-
mitem missarum exem-
plum.

MI cognate, scriptis à Rege Domino fra-
treg, meo iam vulnerato literis, tabel-
larium hunc consultò detinueram, ut de eius
salute certior per me fieres: Sed postridie eius
diei, qui fuit hesternus, in cælum Deo ita volen-
te ex hac vita migravit; non sine acerbissimo
suorum

suorum omnium fidiſſimorum ſubditorum,
& meo præcipuè dolore ac deſiderio, tum ob
non mediocrem, qua me proſequēbatur, ami-
citiā, tum ob grauiffima difficilimaq; ne-
gotia, qua mihi in hoc regno gerenda reli-
quit. Iſtud parricidium adeò ſceleratè ab hy-
pocrita quodam Dominicano admiſſum, à
Deo & ab omnibus Chriſtianis Principibus
& Optimatibus, ac potiſſimum ab ijs qui af-
ſinitate ac ſædere huic Coronæ cōiuncti ſunt,
pœnas expetit: quas ego, quippe Regis Succeſ-
ſor, perſequi conſtitui: Ideoq; inſignem & gra-
uem aliquem virum breui mittere, qui cum
omnibus Germania Principib., eademq; via
tecum ipſo ea de re agat. Ego interim magnā
tibi & habeo & ago gratiam, de tua illa erga
me mihi perſpectiſſima benèuolentia, quam
certè quidem maximi facio, conſiſus, te, ut
multis antè argumentis eam teſtatus es, ſic et
in poſterum officijs multò maioribus eam i-
pſam teſtaturum, à te igitur, mi cognate, pe-
to, ut eandem ſumma fide ſerues atq; etiam
augeas: nec non id, quod de te mihi polliceor,
promptum paratumq; habeas, ut pactum cō-
uentum tranſigatur. Atq; hic Deum rogo, ut
te pro ſua benignitate in ſuam curam tute-
lamque recipiat. In caſtris, è ponte Sancti lauy
3. Auguſti.

Quæ sequuntur Regis ipsius manu
scripta sunt.

EGo, mi cognate, magni beneficij & gratia loco, tuum in me amorem semper habui, ex ijs quæ administri mei de te mihi renuntiarunt. Eum te, ut spero, in hac tanta occasione, re iam ipsa comprobabis; cum praesertim hac mea controuersia tam iusta legitimaq; sit, ut magis esse non possit.

DVCIS LOTHARINGI AD
ciues Lingonenses Literæ.

CRedo equidem (ciues integerrimi) vos satis intelligere, quanta ex defuncti Regis, qui fuit Princeps omnium maximè Catholicus, obitu, in Religionis statu mutatio futura sit, nisi maturè illi prouideatur. Atq; hac una caussa facit, ut mortem illius meritisimè deplorem ac lugeam: præter grauissimum etiam, quem inde capio dolorem, vel ob hanc præcipuè rationem, quòd et ego & liberi mei arctissimo affinitatis et summi amoris vinculo coniuncti essemus: id quod nobis non mediocri honori & ornamento erat. Cum que omnes benè à natura informati, Principes honoris, cultusq; diuini studiosi & obseruantes in eiusmodi mutatione ad rem adeo caram & pretiosam, uti maiorum nostrorū religionem, in qua hoc Regnum altum euectū conseruatumq; fuit, retinendam, summam
curam

curam diligentiamq; adhibere debeant: Non
possum, non omni. quanta potero maxima,
ope & opera eniti, ut in re tam graui & seria
meo fuisse officio perfunctus, & fidem, qua
mea ipsius conscientia, & Regno potissimum
Gallico sum obstrictus, liberaſſe videar: cuius
quidem miserabilem diſſipationem breui fu-
turam prauideo, niſi iam eadem ratione, qua
antea, nempe Religione Catholica, Apoſto:lica
& Romana, fulciatur. A vobis igitur, ciues
integerrimi, peto, ut quā maximè poteritis,
in eam rem incumbatis, nec patiamini, reci-
piendis in urbem veſtram, hareſeos fautori-
bus & conſcijs, ut ea exiſtimatio, quam anti-
qua veſtra in Deum & ipsius Eccleſiam piete-
te collegiſtis, maximo cum veſtro dedecore &
probro deteratur atq; obſcuretur. Vos autem
inuito & rogo, ut in pia illa voluntate, qua
vos toti Francia & vicinis nationibus plu-
rimum ſemper commendauit conſtanter ma-
neatis: credatiſq;, ſi in iſta ſententia & ſtudio
perſtabitis, nihil nec op'is nec auxilij, quantū
quidem in me erit, vobis à me deſuturum: id
que vobis de me omnino perſuaſum habetote
Quòd ad me verò attinet, ut, quanta mihi
cura & commendationi hoc negotij ſit. oſten-
dam & re quoq; ipſa confirmem, conſtitutum
etiam mihi eſt, filium meum Pontis Marchio-
nem copijs quam potero maximis inſtructū

tunc dimittere, ut Catholicis Francia laborantibus, & nominatim Lutetia Parisiorum, unde ceterarum totius regni urbium salus pendet, presentem opem ferat. Et hanc quidem meam voluntatem maxima huius Regni partigratam fore confido. Deum quoque ipsum testor, me in hac tota re, nulla alia vel cupiditate vel consilio impelli, quam uno illius observantiae & cultus studio. Id quod me in omnibus meis actionibus & ipsis, quae inde consequentur effectis, facile comprobaturum spero. Nanceii 10. Augusti 1589.

Lingonensium responsum.

Nostibi, ô Dux clarissime, serui perquam summissi, ex literis tuis summam voluntatem cepimus, quibus nos, ut in antiqua nostra Religione permaneamus, admones, simul & testificaris, quanto opere summi totius terrarum orbis Monarcha & Catholica Religionis pro ceteris omnibus longè observantissimi decessu angaris & mœreas. De nobis autem, tibi sic promittimus atque confirmamus, nos à Religione Catholica, Apostolica & Romana, quae à multis seculis imbuti instituti sumus, nullo unquam casu defecturos: Nihilominus tamen paratos, ad opem auxiliumque regi ferendum, & ad generosa illi Nobilitati Gallica, toti terrarum orbi formidabili, quae et illam gentibus omnibus detestabilem, &
omni-

omnium quæ unquam facta sunt, sceleratissi-
mam ac perfidiosissimam, Regis Christianis-
simi eadem acerrimè vindicandam, se com-
parat, succurrendum, nostras omnes faculta-
tes & vitam etiam ipsam liberalissimè pro-
fundere: nec non totis nostris viribus, illis,
qui de hac misera & miseranda morte quodā
modo triumphant, nos ipsos obycere & oppo-
nere: veritos, ne legitimi nostri Principis mor-
te, aut consensione, aut dissimulantia quadā
polluamur. Hoc autem penitus persuasum ha-
bemus, te, ô Dux illustrissime, pro ea, qua tu il-
liconiunctissimus fuisti, affinitate ac necessi-
tudine, eadem mente ac voluntate affectum
iri, ad tam dirum & atrox facinus vindicā-
dum, qua omnes uniuersi orbis Principes, qui
eo vehementissimè commouebuntur, hinc sa-
tis edocti, suam ipsorū rem et salutem iam agi
& hinc quodāmodo pendere. Te verò suppli-
citer & summissè rogamus ut hoc tibi per-
suadeas, nos hac in re potissimum, & in cate-
ris etiā omnibus tuo obsequio addictissimos,
atq; eodem tecum animo & studio coniunctis-
simos semper fore. Lingonis 12. die Aug. 89.

Lingonensium de sua in Regem fide
declaratio.

Nos Regij Magistratus, Præfectus urbis,
Aediles, Lingonarum ciues & incolæ
subsignati: Cum in publicas ades, super homi-

cidio à Dominicano quodam in HENricum
Valesium huius nominis tertium defunctū,
nostrum fœlicissima memoria Regem ac Do-
minum, (cuius anima Deus utinam misere-
atur) perfidē admissō consultaturi hodie con-
uenissemus: Multis urbis huiusce Præfēti et
Aedilium admonitionib, cohortationibusq,
grauissimus commoti, omnes summo consen-
sū, ad Regiæ Coronæ splendorem atq, ampli-
tudinē, & ad huius urbis conseruationē,
pro ea qua & maiores nostri, et nos etiam ipsi
Reges nostros coluimus, fide & obseruantia
Promissis & iurauimus, Promittimus et-
iamnum et iuramus nos in hac Lingonarum
urbe in Dei metu cultūq, atq, in Religionis
Catholica, Apostolica & Romana, quatum
maiores, tum nos quoq, ipsi imbuti & insti-
tuti sumus, professione, vna mente victuros,
nec vllum omnino fœdus cum vllō aut in hoc
Regno, aut extra Regnum facturos, ad vllam
factionem, conspirationem, & consiliorum so-
cietatem ineundam, nisi quam probi & ger-
mani animo ac genere Franci, cum iure natu-
ræ suo et legitimo Rege inire debēt, idq, ex ipsi-
us iussu & mandato: Neq, vllō modo de ea fi-
de & obedientia, qua superiores nostros Reges
obseruauimus, deflexuros, sed potius in ea fi-
delissimè & constantissimè ad extremū vsq,
spiritum permansuros, quā etiam vitam i-
psam,

psam, opes & facultates omnes effusuros, ad
huius Regni statū sartumq; tectumq; conser-
uandum, ad quibus Regnum ipsum nititur,
quas fundamentales vocamus, leges sigilla-
tim obseruandas & nominatim ad agnoscen-
dum, ut reuera agnoscimus, Henricum Bor-
bonium eius nominis IIII. summum nostrum
Regem, quippe legitimū Corona Regia hare-
dem ac successorem. Ideoq; promittimus nos
illi eandem prorsus fidem obsequiumq; presta-
turos quod defunctis Regibus ipsius maiori-
bus, prestare consueuimus. Adhuc nostras o-
pes omnes & vitam quoq; exhausturos ad iu-
stam illius homicidij perfidiosè indefunctum
Henricum Regem patrati ultionem persequē-
dam, nec non ad eam rem adhibituros, quic-
quid probi ac veri subditi ad rem tantam ad-
hibere possunt, ac pro sua quidem parte de-
bent. Postremò, nullum in hanc urbem adi-
tum ijs, qui aut turbas, aut seditiones aduer-
sus obsequium illius Maiestati debitum in ea
concitare possunt, daturus. Ad quarum re-
rum testificationem confirmationemq; hanc
nostram declarationem proprijs Chi-
rographis obsignauimus 12.

Augusti 1588.

F I N I S.

